


- 18



A. II. 18.



an  
re  
tu  
p  
c  
d  
t  
l  
e  
e  
l  
M  
r  
n  
c  
h

# O R A T I O I.

3

amplissimo orbis Theatro afferam, haud reperiō. Iam enim olim sapientissimo tuo iudicio, omnes ejus penetrasti, ac percensuisti virtutes, easque uti probè cognitās, quæ liberæ gentis sceptrā moderentur, dignas judicasti, cum non ita pridem Vladislauum unum esse, qui Polonis imperare queat, solemni commendatione asseruisti. Huc ergo potius mea deflectat oratio, ut quos qualesque populos Tibi, Sanctæque Sedi Tuæ supplices Rex noster secum offerat, declarē, quod dum exequor, Pater Beatissime, Paterno affectu favebis filij, Pontificatus tui natu minimi, gloriosis conatibus; solemne enim patrum est, eorum gestis potissimum recreari, quos recentiori sive lucis, sive gloriæ partu orbi ediderint. Qvidēcūque ergo gentium Septemtrio tegit, quā latè à Carpathijs montibus ad Caspiū mare, à glaciali Oceano ad Pontum Euxinū patet Europa, totum id, genuflectente Vladislao, ante Thronum Tuū prostermitur, Pater Beatissime. Omnes e-



## O R A T I O I.

4  
 nim illæ gentes, aut liberis suffragijs e-  
 um sibi Regem dixerunt, aut hæredita-  
 tio jure, licet refragæ, ad ejus spe-  
 ctant Majestatem, aut denique armis sub-  
 actæ Dominum recognoscunt. Sed pri-  
 mum meritò locum obtinet Polonia,  
 quæ uti Principibus suis libere paret, ita  
 Religionem, & Sacra, nulla vi, nullo  
 metu adacta, colit. Illa, illa Sarmati-  
a, Romanorum armis impervia, Ro-  
manæ Religioni mancipata; illa, tot olim  
superstitionum altrix, nunc unius DEI  
serva, illa libertatis custos acerrima, nul-  
lius jugum experta, Romanis Pontifici-  
bus, eorumque Sedi Apostolicæ obse-  
quentissima. Polonia inquam, quæ so-  
 la monstra non parit. Nulla inde Hæ-  
 resis, nullum Schisma, & si qui vicina-  
 rum gentium peste afflati, acerrimo le-  
 gum supplicio, & perpetuæ infamiæ no-  
 ta, à reliquæ nobilitatis corpore rescin-  
 duntur. Si quis legem, Vladislao Iagie-  
 lone Rege latam, totius Nobilitatis, pa-  
 trio more, consensu firmatam, legerit,  
 fatebitur, nullius Concilij anathema acri-

# O R A T I O I.

5

us hæresim perstrinxisse. Et quamvis iniquitati temporum, amorique consanguineo, aliquid indulgisse videamur; non tamen legem abrogari, unquam passi sumus, nec patiemur; testaturi posteritati, nos legum, patriæque salutem, unius Religionis integritate firmare. Hoc ipso lugubri nuper Reipublicæ statu, cum Sigismundum Regem, vivam pietatis, religionisque imaginem cælo receptam, terris ereptam planximus, vidisses Pater Beatissime, illis ipsis centuriatis Comitibus, Senatui, Populumque Polonum, magis pro Religione adversus concives suos, dira Hæresi corruptos, certantem, quam de communi Patriæ salute, aut de futuri Principis electione, sollicitum. Æquavit fervor Procerum curam Antistitum, eorumque & Tui Apostolici Nuntij solemnes excivit gratiarum actiones. Innatum scilicet genti Polonæ avitæ Religionis studium. Hinc illa erga Sacrorum Præsides observantia, quæ eis prima in Senatu subsellia detulit, & præcipuas Reipublicæ partes curare jussit. Tacebo



prodigam, ut ita dicam, in Templorum  
ædificia, ac ornamenta liberalitatem. O-  
mittam cultum Numinis, & Sacrorum  
ferventissimum; hæc enim omnia ita se  
habere Orbis consensus asserit. Animo-  
rum certè gentis ejus magnitudinem, vel  
inde colligere licet, quòd à tot sæculis  
adversus feros, & immanes Nominis  
Christiani hostes excubent; nec stationem  
deserant. Ottomanorum signa, quæ tot  
acies, tot Vrbes validas expugnarunt,  
tot montium claustra penetrarunt, flumi-  
numque impetus superarunt, tot Christi-  
anorum copias fuderunt, nuda Polono-  
rum pectora stiterunt, & ne patentes ac  
pervios ingrediantur campos, hucusque  
prohibuerunt. Scythicam pernicitatem,  
ne universam quaquaversus pervagetur  
Europam, unica Reipub: nostræ mora-  
tur Provincia. Moscos, solo nomine  
Christianos, re & moribus quibusvis bar-  
baris execrabiliores, toties vicimus, fudim9,  
& demum nobilissimam ejus Regionis par-  
tem in Provinciam redeimus. Hæc o-  
mnia summa animi magnitudine, ac pror-  
sus



# O R A T I O I. 7

sus Romana steterunt. Parentavimus si-  
 quidem antiquæ Vrbi, Majorum nostro-  
 rum ferociâ læsæ, cū in ejus mores &  
 instituta transivimus. Hinc libertatis  
studium, hinc æqui, juris, ac legum a-  
mor; hinc masculæ frugalitatis exempla,  
nil in moribus, nil in habitu corporis  
molle vel effoeminatum, nil acupictum.  
 Juventus prætextam, non in cytharædo-  
 rum gymnasijs, sed inter castra deponit.  
 Equitibus rura paterna colere haud pu-  
 dendum, nè urbanis enervati delicijs, bel-  
 lo fiant ineptiores. Humiles domos ple-  
 rumque habitant, sed excelsos animos  
 fovēt; non propugnaculorum, non  
 pontis publicij, sed legum, & innocen-  
 tiæ præsidio tuti. Neque verò hanc ma-  
 gnanimitatem, ferociam quispiam dixerit.  
 Cicurârunt Sarmaticam, si quæ fuit,  
 feritatem Religio, & Musæ Latinæ.  
 Has ubi è Septemtrione devolutæ gen-  
 tes Latio moverunt (credo equidem) ca-  
 stra secutas, eiqve vitæ assvetas Helico-  
 ni suo prope ultimum vale dixisse. Gen-  
 tem profectò nostram adeo sibi mancipâ-

runt, ut sine earum præsidio, & orna-  
mento militarem gloriam minùs gloriosam  
æstiment. Et meritò, earum enim bene-  
ficio libera Nobilium capita de seipsis de-  
cernunt, magno Nobilitatis ornamento.  
Neque à scholarum cathedris interpretes  
petimus, latino freti elogvio, quod una  
cum moribus & institutis in partem glo-  
riæ nostræ lubentes assumpsimus. Talis  
itaque, & tanta Polonia, ad tuos pedes  
prima procumbit, Pater Beatissime, il-  
lud collum nullius unquam jugum ferre  
solitum, illas manus liberas, illum ani-  
mum excelsum, & ad imperandum na-  
tum, Regis sui exemplo, Majorum in-  
stituto Tibi submittit. Tuis auspicijs se  
Vladislaum Regem dixisse, ac pro-  
inde eum Tibi debere profitetur. Tu  
enim geniales Divos, Primum, ac Feli-  
cianum Româ discessuro in sacris cineri-  
bus tribuisti, non sine Pontificio omine,  
eum primum Regem nostrum fore, qui  
sine æmulo felicissimus, qui conjunctis-  
simis tam populosæ gentis animis & suf-  
fragijs Rex diceretur. Tuis ergo auspi-  
cijs,

# O R A T I O I. 9

cijs, Pontificum Maxime, habet Vladislau-  
um Polonia, Vladislaus Poloniam, Tu  
utrumque. Habebis, Deo favente, Vla-  
disslai invicta dextera, tandem aliquando  
Tibi, Sanctæque Sedi Tuæ mansvesca-  
ctos Scandicos rebelles leones. Habebis  
& desertores communis Pastoris ad Tu-  
um ovile propediem reduces. Exivit e-  
nim, Pater Sancte, filius hic Tuus,  
non ætate, aut meritis, nec Majestate,  
sed capessitæ Regiæ dignitatis tempore  
minimus ad venationem, ut te satiet, fa-  
memque Tuam impleat, avidam glo-  
riæ Summi DEI, inde longævi auspi-  
caturus primordia Imperij, unde cæli &  
Ecclesiæ ruinas sperat reparandas. Erige  
hanc Tuam dexteram, Pontifex Opti-  
me Maxime, quâ, nescio quo turbine  
motum, ac pene ruentem Orbem reti-  
nes, summo hujus sæculi bono dudum  
destinatus, & Sancta Benedictione pro-  
sequere tã chari pignoris pios conatus. Ex-  
citabuntur hoc præclaro exemplo reliqui  
Christianorum Principes, & postpositis  
perniciosis eorum nomini & gloriæ odijs,



illuc arma convertent, quò nefarij Imperiorum prædonis libido, jam tandem vindicanda, vocat. Vladislaus certè Rex, uti nunc, se, Regnaque, & arma sua Sanctitati Tuæ tradit, obedientiam præstat, neque se ab hujus Sanctæ Sedis auctoritate & observantia unquam discessurum profitetur; Ita, Te Duce, Te auspice, paratus semper erit Christianorum Aquilas, notis sibi itineribus, non sequi, sed præire.

Ejusdem

Ejusdem Illustrissimi & Excellentissimi  
P R I N C I P I S , &c.

*Serenissimi ac Potentissimi Vladislai IV.  
Poloniæ & Sveciæ Regis , Ad Sacram  
Cæsaream , ac Regiam Hungariæ , &  
Bohemiæ Majestates , Septem virosqve  
Romani Imperij Principes Ratisbonæ  
congregatos , Legati extraordinarij.*

ORATIO II.

Habita Ratisbonæ in Collegio Electorali ,  
Anno MDCXXXVII. XXVI. Septemb.



Redidisset Orbis , Magni  
Principes , Legati Illustris-  
simi , Vladislaum Poloniæ  
& Sveciæ Regem poten-  
tissimum , pace domi foris-  
que parta , auctis prolatif-  
que Regni terminis , Amurate sola ar-  
morum ostentatione ad pacem petendam  
compulso , & metas Ottomanici Impe-  
rij , quas nec Solis cursu olim declarari  
volebat,

volebat, Vladislai placito terminante, altum quiescere, & tot laborum, sudorum, vigiliarum, victoriarumque trophæis incubare. Sed longè aliter accidit, generis humani bono cælitus datus animus, proprijs commodis nequaquam acquiescit, sed, suæ prosperitatis nisi orbem participem videt, haud putat laborum fructus maturuisse. Videt Christianorum Nomen, & gloriam consanguineis fœdari armis; prospicit ex illa, cui Polonorum Regum Thronus superimpositus, altissima Orbis Christiani specula, imminentem ab Oriente procellam, discordijs Regum Principumque Christianorum excitatam, intuetur miserandum in modum discerpti, florentissimi Hungariæ Regni reliquias, proluendo gutturi insatiabilis Ottomanicæ belluæ destinatas. Hæc omnia dum penitus considerat, amicissimi Regis vicinæque gentis discrimine excitatur, & quid in rem futurum sit, sublimi Regiæ mentis cogitatione perpendit, opportunè nunciatur Sacri Romani Imperij Electores Principes,

hac



## O R A T I O    I I.    13.

hac in Vrbe Conventum more Majorum celebraturos, consulturosque Orbi, & tanti periculi metu costernatam Rempublicam erecturos: Ingenti persusus lætitia, me quantocius advolare voluit, & suo Nomine Serenitatum Celsitudinumque Vestrarum conatibus gratulari, in sublevandis Imperij reliquorumque Regnorum rebus consilium communicare, operam offerre, affectum denique & sollicitudinem tanto Principe dignam declarare. Ea nimirum est Sacræ Regiæ Majestatis ditionum cum Imperio Romano, eique annexis Provincijs conjunctio, ea negotiorum & commerciorum communicatio, ea demum periculosissima vicinitatis cum hoste omnium potentissimo ratio, ut utramque sceptrorum Cæsareæ Majestatis fortunam ad se jure arbitretur pertinere. Quamobrem de restituenda Germaniæ, tot tantisque bellorum procellis attritæ, pace & tranquillitate, ab eo die quo Polonæ gentis liberis suffragijs Rex apellatus, semper se sollicitum declaravit, neque

neque ullam prætermisit ejus revocandæ occasionem. Sed generosus ille Germanicæ gentis spiritus, quamvis cum dispendio rerum fortunarumque suarum, noluit hætenus, dum externi hostes in ipsis Germaniæ visceribus grassabantur, pacis mentionem admittere, ne se victum, & ad eam petendam inter cæcorum concivium bulta compulsus fateretur. Nunc verò, cum nonnullorum vires, ad contemnendas redegerit reliquias, cæteros ultra Germaniæ limites faceßere coegerit, sperat Regia Majestas, tantò promptiorem ad pacem amplectendam fore, quantò gloriosius est prosperis rebus non magis insolescere, quàm adversis frangi. Repetit ergo toties declaratum pacis in Imperio stabilindæ studium, suamque operam & conatum se interpositurum luculentissimè pollicetur. Sperat porro Serenitates Celsitudinesque Vestras, tam præsentibus, quàm per Illustrissimos hos Legatos intervenientes, non modò huc Cæsareæ Majestatis pientissimum animum

## O R A T I O    I I.    15

mum precibus suis inclinaturas, quò e-  
 um communis boni studio ultro propen-  
 dere constat, sed & proprijs conatibus.  
 in hoc tam expetendo negotio cooperatur-  
 ras. Efflagitant hoc afflictæ plebeculæ  
cælum petentes lachrymæ, attritæ No-  
 bilitatis vires, Provinciarum solitudo,  
 agrorum vastitas, Urbium, oppido-  
 rumque ruinæ, uno verbo, ipsa quam  
 in Germania vix reperias Germania.

Deposcit jure suo periculum ab imma-  
 nissimo Nominis Christiani hoste immi-  
 nens, cujus arma, quamcunque Euro-  
 pæ partem petierint, stolidus ille foret  
 & impius, qui communi non commo-  
 veretur discrimine. Exigit denique pi-  
 etas, ut tandem à fundendo Christia-  
 no sanguine, quem tot proh dolor hau-  
 serunt, & nunc hauriunt Provinciæ,  
 desistatur; & si porro fundendus est,  
 contra illius hostes pugnando fundatur,  
 qui suum nostræ fudit saluti. Sed dum  
 Sacra Regia Majestas, Dominus me-  
 us Clementissimus, rationes tam stabi-  
 liendæ in Imperio Romano pacis, quam  
 publicæ



publicæ gentium securitatis ponderat, agnoscit, iudicatque neutrum firmum fore, nisi electo, ac declarato, in hoc Serenitatum Cellitudinumque Vestrarum Conventu Romanorum Rege, & vergentis in Senectam Sacræ Cæsareæ Majestatis Imperij consorte. Neque vero hac tam sublimi dignitate in quemvis collata consultum Reipublicæ Christianæ arbitratur, sed unum esse Serenissimum ac Potentissimum Hungariæ, Bohemiæque Regem, cuius capiti impositum Romanorum Regni diadema publicam possit salutem firmare. Qvis enim non concedet, sapientissimè Majores Serenitatum Cellitudinumque Vestrarum egisse? dum Romani Imperij habenas; jam quintum istdem crediderunt moderandas, qui oppressum Turcicâ Tyrannide Pannonum Regnum gubernarunt. Nempe exhaustas & deficientes illius Regni vires, quibus tamen velut propugnaculo Imperium Romanum protegitur, non divellendas esse à Germaniæ vinculo iudicârunt, ne separatæ hostium obijcerentur potentiae, ex  
tinctæ.

## O R A T I O II. 17

extinctæ verò Germanicis Provincijs eas adferrent calamitates, quas à tot annis deploranda sustinet Hungaria. Quantò magis idem considerandum hoc tempore, cum Turcarum Tyrannus ab immensa Divinæ Majestatis bonitate, fervente Christianorum bello, alligatis (uti pueri ludentes solent) oculis per varios Orientis hucusque circumductus angulos, Occidentem tantum respicit, forsitan eadem manu, ob sacra Christianorum manibus polluta, reflectente, & unionem nostram communis hostis metu procurante. Hunc verò à cervicibus tot Regnorum depellere, & incendium in aliena potiùs domo extinguere, quàm in propria opperiri, erit summæ gloriæ, & celebratæ hujus augusti Collegij prudentiæ. Conducet absque dubio, & ad præsens pacis restaurandæ propositum, si ardentibus undiqve flammis subtrahantur alimenta, ambitionis scintillis obnoxia. Hisce de causis Sacra Regia Majestas, Dominus meus Clementissimus, Serenissimo Hungariæ Bohemiæque Regi, Fra-

tri suo amantissimo, Romanorum Regis coronam votis, suffragijsque Serenitatum Celsitudinumque Vestrarum deferri summo opere desiderat, enixè postulat, neque de Serenitatum Celsitudinumque Vestrarum affectu, non solum erga Serenissimum prædictum Regem, sed & Universalem Christianarum gentium securitatem dubitat. Accedunt huic Regiæ petitionis suffragio innumera Augustissimæ Austriacorum domûs merita, plurima in familias subditorum Principum collata beneficia, Sacræ Cæsareæ Majestatis pro integritate & Juribus Imperij Romani exantlati labores, & vel hostium vocibus prædicata paterna in omnes, divinæque duntaxat minor, clementia. Succedunt propriæ Serenissimi Hungariæ & Bohemiæ Regis virtutes, quas priusne florentes an maturas Orbis viderit, dubito; ita in ipso flore fructus præbuerunt copiosissimos. Hujus ipsius Urbis murorum ac propugnaculorum hiantes cicatrices, quid aliud spirant, quam invictam Victoris mentem, uni clementiæ subjectam. Nordlinganæ verò

memo-



## O R A T I O    I I.    19

memoria victoriæ tum demum deficiet,  
 cùm Danubius Alpes repetet, & Euxini a-  
 quas in proprios referet fontes. Explicare  
 veterani Ducis, quæ sibi circumdederat Ur-  
 bium Germanicarum nodum, & paucorum  
 mensium spatio totum Sveticarum victori-  
 arum iter relegere, soli Ferdinando III. fa-  
 ta concesserunt, cujus gloriæ subternenda  
 hostiũ trophæa tamdiu conservârunt. Ergo  
 Serenissimi Principes, Vosque Legati Il-  
 lustrissimi, Scipionis hujus vestri Germanici  
 fronti debitam Lauream imponite, ac trien-  
 nium victoriarum, tertia corona ornatæ, im-  
 mô in uno Ferdinando omnes pæne Regum  
 Principumque Familias, aut consanguini-  
 tate, aut affinitate junctas coronate: Sere-  
 nissimi verò Regis mei, pro incolumitate  
 Christianæ Reipublicæ in extrema excu-  
 bantis statione, laboribus, vigilijs, vitæ ipsi-  
 us periculis hoc unum solamen præbete, ut  
 eum vestris judicijs, vestris suffragijs in su-  
 blimi Romani Regni Throno collocatũ vi-  
 deat, quæ sibi Deus non solũ sanguinis &  
 amoris conjunctione fratrem, sed & cõmu-  
 niũ pro Christianis periculorũ laborũq; con-  
 sortem destinavit.    B 2    Eiusdem

Ejusdem Illustrissimi & Excellentissimi  
PRINCIPIS, &c.

*Serenissimi ac Potentissimi Sigismundi III.  
Poloniæ & Sveciæ Regis, Ad Serenis-  
simum ac Potentissimum Angliæ Regem  
Jacobum Legati extraordinarii.*

ORATIO III.

Habita Londini in Palatio Regio West-Mo-  
nasteriensis. Anno MDCXXI.  
Ultima Martij.



Andem erupit Ottomanicum jam diu celatum virus pectore, & deposita simulatae aliquot abhinc annis amicitiae larva, publico barbarorum furore, validissimum Christiani Orbis antemurale, petitur Polonia. Perstrepat bellico apparatu Oriens, onerantur classibus maria, jungitur Europæ Asia. Africanarum si quid est virium, in nostram armatur perniciem

perniciem. In societatem tanti belli, veniunt hæreditarij nominis nostri hostes Scythæ; venit & uterque Dacus, Servij, Bulgarj, Boznenses, Illyrij, Thraces, Epitrotæ: quidquid ferarum usquam est gentium, vi, præmijs, pollicitationibus, spe prædæ, cupiditate vindictæ, cogitur, pellicitur, accenditur. Peractus nuper lamentabilis cruentæ Tragoediæ prologus; hausit immitis primum cruorem Dacia, cum perfidus hostis veterum ac recentium, solenni jurejurando firmatorum, immemor sæderum, innumeris suis copijs Regiæ Majestatis, Domini mei Clementissimi, petens ditiones, oppositam sibi parvam quidem, sed bellicosissimam nostrorum manum cæcidit, ingenti Christianæ Reipublicæ detrimento. Creverunt enim ea victoria barbari spiritus, & tam faustis insolentes primordijs, universam spe concipiunt Europam, eò provecti, vel arrogantiae vel amentiae, ut, nec assentiente Deo quidem, delere gentem nostram se posse arbitrentur. Tanto, non suarum duntaxat, sed Chri-



ftianarum omnium Provinciarum commo-  
 ta Sacra Regia Majestas, Dominus me-  
 us Clementissimus, discrimine, eo fuit a-  
 nimo, ut & reliquos Principes impen-  
 dentis metus commonefaceret, & impri-  
 mis ad Majestatem Vestram, nullâ inter-  
 positâ morâ referret. Sed ea est Majesta-  
 tis Vestræ vigilantia, tantum communis  
 Christianorum boni studium, ut & illos,  
 ad quos ipsa potissimum, vel temporum  
 vel locorum ratione, pertinent pericula,  
antevertat. Antevertit Majestas Vestra  
 & hunc Serenissimi Regis mei nuntium,  
 idque ultro præstitit, quod postulandum  
 erat, cum ei hosti, se Regiæ Majestatis,  
 Domini mei Clementissimi, amicum esse,  
 nec ei ullo in discrimine deesse posse de-  
 nuntiavit. Qua in re agnoscit Regia Ma-  
 jestas, verè magnum, verè Regium, verè  
 Christianum Majestatis Vestræ animum;  
 agnoscit fraternum erga se affectum, quem  
gratiosissimi testificatione animi prosequi-  
tur, ac profitetur, nihil tam grave, nihil  
tam difficile, nihil tam periculosum fore,  
quod vicissim Majestatis Vestræ causâ  
 aggre-

aggredi recuset. Moveantur utinam tam præclaro Majestatis Vestrae exemplo reliqui Christianorum Principes, velintque potius tam gloriosi laboris esse cooperatores, quam segnes & otiosi alieni periculi spectatores, pessundaturi quandoque propria, dum vicina negligunt; id verò usuvenire nostro (si Dijs placet) credant cautiorem exemplo, quos neglecta Græcia, deserta Pannonia in has conjecit angustias. Et nos quidem, eam, quam Cælum tulerit sortem, feremus, renovaturi Saguntinorum fidei, Tyriorum constantiæ, & si quid usquam fortiter actum exempla. Cæterum vicini nostri provideant, quâ ratione animos firmare possint, ad similes, vel (avertant omen Superi) gravioribus casibus tolerandos. Neque putent Tyrannum, cujus animum humiles Sarmatarum curæ ad tam detestandum impulerunt perjurium, Sanctiora habituros vicinitatis Iura, quæ cum eis icerit, quorum Urbibus mercaturâ florentissimis, Opibus præstantissimis, ædificiorum cultu splendidissimis, jam dudum inhiat. Non deterre-

bunt hæc, sed allicient, non extinguent,  
sed inflammabunt, per nefas sacrilegam  
propagandi Imperij litim. Qvis enim  
 non videt hoc unum Tyrannum intende-  
 re, quod in Majorum ejus multo tempo-  
 re agitatum constat fuisse consilio; ut oc-  
 cupatâ patentissimâ in omnes partes Eu-  
 ropæ regione, omnis grani feracissimâ,  
 omnium ad Classem instruendam, arman-  
 damque necessariorum refertissima, innu-  
 meris suis copijs opima aperiat horrea, na-  
 vium ingentem præparet copiam, quibus  
 Balticum occupet linum, transiturus in  
 Oceanum; ut sic binis classibus, velut alis,  
 ab utroque mari Europam premat, & op-  
 primat; terrestres copias per apertissimos  
 campos (quâ Poloniam spectat) in Germa-  
 niam effundat, quâ euntem, non monti-  
 um claustra retinere, non fluminum rapa-  
 citas poterit retardare. Volvebat hæc  
 Solimanus animo, agitabant ejus Posterij,  
 nec ulla ab eo consilio deterritos eos fuisse  
 constat ratione, quâ, quod viderent uni-  
 versos conspiraturos Christianos ad tuen-  
 dum hoc Regnum, ex cujus salute totius  
 Euro-



# O R A T I O   I I I. 25

Europæ pendeat integritas, nec deerant illo tempore, tam magnanimi Principes, qui maluissent opum ac vitæ propriæ detrimentum facere, quàm vicini sibi populi salutem periclitantem deferere. Hac nostra ætate proh dolor multi non intelligunt, negligunt nonnulli, &, quod dolendum magis, accersunt ultrò ad communem omnium perniciem perfidum Christiani nominis hostem, indigni Christiano nomine, Barbaris ipsis execrabiliores. Unum Te habent, Serenissime Rex, hæc nostra tempora, qui, pro singulari tua prudentia, animadvertisti, & judicasti, per latus Poloniæ universam peti Europam, cujus periculum ad omnes pertinet Christianos. Solenne Ottomanorum esse, bella cum bellis ferere, & regna regnis cumulare; qui non contenti, Asiæ, Africæ, & majoris Europæ partis Imperio, quidquid reliquum est prædæ destinant, nec sibi per Religionem licere aliter posse opinantur. Vidit hæc Majestas Vestra singula; unde & hanc gloriam est consecuta ambigentibus cæteris Principibus

B5

quid

quid sentirent, solam Majestatem Ve-  
 stram, quod Christianæ Republicæ expe-  
 diret maximè & vidisse & elegisse, autho-  
 remque reliquis extitisse, ut dum licet mu-  
 tuis auxilijs, communibus subsidijs, tantæ  
 immanissimi hostis obviam eant libidini,  
 cujus opes, intestinis ipsorum dissidijs,  
 eò creverunt potentia. Perge porro in-  
 victe Rex, & hanc dexteram non armis  
 magis quàm pietate notam, tuam fidem  
 imploranti porrige Poloniæ. Defensor  
 fidei appellaris, commune Numen, nè  
 blasphemetur, provide. Imitare Majo-  
 res tuos, quibus haud grave fuit, è pro-  
 prijs Barbaros eruere latebris, & ulti-  
 mis Syriæ finibus Britannici nominis glo-  
 riam terminare. Abundè amplissimis Ma-  
 jestatis Vestræ ditioribus suppetunt, quæ-  
 cunque ad reprimendas potentissimi ho-  
stis vires requiruntur. Procerum copia,  
 populi multitudo, omnis generis appa-  
 râtus vis immensa; ne patiatur Majestas Ve-  
 stra peritissimos rei militaris Anglos, belli-  
 cosissimos Scotos, Hybernos ferocissimos,  
conjunctissimi Majestatis Vestræ Regis,  
 & amicis-

## O R A T I O III. 27

& amicissimæ gentis discrimina spectare  
 otiosos, ac tam latè serpens incendium in  
 propria potius operiri domo, quàm in vi-  
 cina dum licet restringere, in alieno discri-  
 mine propria curare pericula, nec præsen-  
 tia cunctatim intueri, sed futura prospice-  
 re. Erit celebratæ Majestatis Vestræ pru-  
dentia, erit & magnanimitatis, quàm u-  
terque admirabitur Orbis, quàm fera præ-  
dicabit posteritas, quàm servata venerabi-  
tur Polonia. Serenissimus verò Rex me-  
 us, uti nunc particularem erga se affe-  
 ctum, quæ potest maxima animi gratitudi-  
 ne complectitur, ita in posterum eum se  
 Majestatis Vestræ declarabit amicum, qui  
 & secundis Majestatis Vestræ rebus ex a-  
 nimo faveat, & adversis, si quæ impende-  
 ant, non secus quàm proprio commovea-  
 tur discrimine.

Ejusdem



Ejusdem Illustrissimi & Excellentissimi  
PRINCIPIS, &c.

# ORATIO IV.

Habita ad Sacram Reginalem Poloniæ &  
Sveciæ Majestatem Ludovicam Mariam  
in Templo Collegiata Varſaviensi,  
die x. Martij, Anno MDCXLVI,

*Cum eandem Majestatem Reginalem Spon-  
sam Serenissimi Vladislai IV. Poloniæ &  
Sveciæ Regis, uti Sponsi nomine salutaret.*



Oc demum supererat a-  
gendum admirando Se-  
ptentrionis Exornatori,  
Regi inclyto, ut inter  
horridos gelidæ brumæ  
rigores, florens & fra-  
grans a Gallijs transplantaret Liliū, &  
sub ipsa Arcto vere ineunte Hesperios  
hortos instauraret, virentes nempe laureæ,  
& in ævum vigentes palmæ tot Orbis  
Climatum Triumphatori candidum in

confor-

# O R A T I O IV. 29

confortium gloriæ jam olim polliceban-  
 tur florem, coronaturum victrices genas,  
 illa divinitus nuncupata, Viri **CORO-**  
**NA.** Talem Te hodie salutat, ô Flos  
 Principum, Regum gloriosissimus, & in-  
 nexum triumphalibus Lauris, novum, in-  
 signe, conspicuum frontis suæ decus vene-  
 ratur. Magna ades Hospes, Maxima  
 Sponsa, eum occupatura Thalamum,  
 quem tot sæculis Augustorum Cæsarum  
 Filix, Neptes, Proneptes coluerunt, Re-  
 gum & Orbis genituræ Patres. Sic nem-  
 pe fata destinarunt, ut Ludovicæ Mariæ  
 Augustæ virtutes non nisi augustarum  
 succederent auspicijs, & sanguini, impa-  
 res illæ visæ nuptiæ, in quarum compara-  
 tione quid majus reperiretur non sorte  
 nascendi, sed prudentissimi Regis judicio,  
 ad Sceptra vocaris, prima post Leonoram  
 Augustam Gonzagæ genti Regium illa-  
 tura decus, cujus Consanguinitatem jam  
 olim amplexa Gallorum Regia, arripuit  
 Cæsarum domus, & in qua reliquæ Pa-  
 læologi Sanguinis Orientalis Imperij,  
 nova, si Dijs placet, servant auspicia,  
huc

Huc Te benigna evocarunt fata, fortissimi  
 Herois Consortem futuram, an non licet  
 sperare eam felicitatem, quam tantorum,  
 non Planetarum, sed Numinum conjun-  
 ctio pollicetur? Quidni Victores pari-  
 tura es, quæ tot Barbarorum vicisti Vi-  
 ctorem, Majestatis Tuæ eximij virtuti-  
 bus, non fasces aut secures, sed Heroici  
 pectoris amorem submittentem. Iungit  
 hanc dexteram, Orbis Christiani protectri-  
 cem, dexteræ Tuæ, Orbis Arctoi Regum  
 maximus, jungit cor, & affectum, & feli-  
 cissimæ Regiæ auspicia, Sociam Thalami,  
 Consortem Imperij Sceptrorumque, ex  
 amplissimi Senatûs consilio, Majestatem  
 Tuam dixit, & quod felix, faustumque  
 Orbi Christiano sit, eundem Thronum  
 occupare jubet. Quod si præterea aliud  
 conjugalis amoris Majestas Vestra deside-  
 rat pignus, unici Filij inæstimabile parti-  
 cipat, securus à Majestate Vestra non no-  
 vercali aspectu prosequendum. Crescit  
 ille in spem Regnorum, paternas conser-  
 vaturus palmas, hunc Majestas Vestra Ma-  
 terno fovebit sinu, nec patietur in ejus  
 educa-



# O R A T I O IV. 31

educatione tam luculentam bene merendi  
 de Orbe Christiano elabi occasionem.  
 Quid amplius ab amantissimo Sponso de-  
 siderare Majestas Vestra possit, ipsa cogi-  
 tet, idque sibi persvadeat, eum, à cujus  
 conspectu nemo subditorum tristis rece-  
 dit, tantæ Hospiti nihil negaturum, cui se  
 ipsum ultrò dedit. Sed antequam ad Sa-  
 cra Divûm Altaria, ea renovaturus vota,  
 quæ per Legatum suum Virum Illustrissi-  
 mum spondit, accedat, supremum pre-  
 catur Numen, ea velit esse fausta, felicia  
 Ecclesiæ Catholicæ, quassatæ tot procel-  
 lis Christianorum Reipublicæ, Patriæ no-  
 stræ, unico reliquorum Regnorum ante-  
 murali, & utriusque Majestatum Vestra-  
 rum inclytæ Familiæ. Applaudunt fide-  
 les subditis, & pro incolumitate utrius-  
 que, libera capita devovere paratis, inter  
 tranquillos Majestatum Vestrarum Hy-  
 mæneos, & lætas innocuasque faces, pri-  
 sca Polonia fide & candore, iterum, ite-  
 rumque ingeminant, Vivat Rex, Vivat  
 Regina.

Ejusdem

Ejusdem Illustrissimi & Excellentissimi  
P R I N C I P I S, &c.

# O R A T I O V.

Habita coram Serenissimo Venetiarum Prin-  
cipe, & Collegio die xiv Ianuarij  
Anno M D C XXX III.



Ospitæ non ita pridem suæ,  
nunc amicæ, & Sociæ Ve-  
stræ huic Serenissimæ Rei-  
publicæ, gratum lauti, &  
luculenti hospitij animum  
testaturus Vladislaus Poloniæ & Sveciæ  
Rex Serenissimus, eadem Legatione, qua  
supremo DEI in terris Vicario obedien-  
tiam præstitit, amorem, & benevolentia-  
am suam declarare voluit. Non oppressit  
grave tantorum Regnorum diadema,  
præteritorum temporum memoriam, nec  
extinxit totius penè Orbis fervens erga  
ejus Majestatem cultus, acceptorum olim  
ab amicis officiorum gratitudinem, & re-  
liqvorum quidem Principum arcta con-  
sanguinitatis, aut affinitatis necessitudo,  
jure

jure quodam suo omne genus benevolentiae erga peregrinum tum Principem re-  
 poscere videbatur; Serenissimae hujus  
 Reipublicae humanitas quò liberior, eò  
 accidit Regi meo gravior, ejusque porro  
 recordatio, in Regia ipsius Majestatis  
 mente, viget jucundior. Viget & grati-  
 tudo reciproca, quam ejus Majestas justiti-  
 ae partem esse omnino arbitratur, nec  
 eum qui mortalibus ingratus fuerit, DEO  
 debitam praestitutum pietatem. Ab hac  
 autem auspicatus faustum amplissimarum  
 ditionum imperium, illi quoque litare vo-  
 luit, & Serenissimae Reipublicae Vestrae  
 bono, quidquid accessit dignitatis, po-  
 tentiae, fortunae, candido devovere ani-  
 mo. Duos Polonorum Reges hospitio  
 exceperunt Venetiae, sed hunc meliori  
 omine, illum enim adversa fata, è securo  
 Throno ad tragica Patriae Sceptra rapie-  
 bant, hujus laureato ( post tot erecta de  
 barbaris trophaea ) capiti, non fortunae,  
 sed virtutis manibus fabrefactum Diade-  
 ma jam tunc Caelum destinabat, ac proin-  
 de in partem ipsius gloriae, & fortunae,

hanc quoque Rempubicam vocabat. Nec  
verò solum jus hospitij eum amorem,  
quo hanc Rempubicam Serenissimus Rex  
meus prosequitur, excitavit, Vestra liber-  
tas, in Rempubicam Christianam merita,  
Religionis integritas, in colendis amicis  
constantia, in prosperis summa moderatio,  
in adversis infracta magnanimitas, amare  
Venetos, & admirari jusserunt. Nempe  
in sinu libertatis natus, ejusque lacte edu-  
catus Princeps, veneratur Nutricis suæ  
antiquissimum cubile, in quo post varia  
naufragia barbariei, & tyrannidis hinc in-  
de jactata procellis bono omine primùm  
conquievit. Et quidni amet illam, quæ  
non solum animum Regiæ potentiae inna-  
tum, non id quod lubet, jubere, sed ex  
præscripto legum, libero populorum con-  
sensu sancitarum, subditos regere, longè  
melius docuit; verùm etiam ejus virtutes,  
liberis liberæ gentis judicijs Orbi clario-  
res reddidit, & non forti nascendi, sed  
meritis tantum præmium se detulisse te-  
stata est. Quidni illam amet, quæ sola  
Regium caput reddit securum, arcet invi-  
diant



diam, Principem, & populum indissolubilis benevolentiae vinculo connectit. Hoc verò demum regnare est. Quod si autem morum similitudo hominum generat amicitiam, quantum Regi meo, & Reipublicae Polonae erga hanc Vestram amoris accedere necesse est, ex hac paris libertatis aequalitate. Sed & clarissima hujus Serenissimae Reipublicae merita, exantlatique pro Christiani nominis gloria labores, hanc texunt paritatem. Polono siquidem & Veneto cruore mutavit saepenumero Luna Ottomanica colorem. Quid de fervido fidei, ac religionis studio dicam, impervia templa vestra haeresi, nec ulla unquam adversus DEUM rebellionem polluta. O ingens bonum! arcebit non dubitate ab hac Republica omne exitium is, à cuius Altaribus Respublica sacrilegas Haereticorum arceat manus, & Marci doctrina firmata, falsa eorum contemnit dogmata, sacrosanctè demum & constanter culta amicitiae jura, maximum ad amplectendam hujus Reipublicae societatem Regi meo addiderunt incitamentum. Hæc siquidem

unica gloria, omnes in unum congestas longè superat felicitates, hujus causâ vel perire dulces est. Hanc Rex meus amplectitur, hujus possessione Polonorum gens universa gloriatur. Agite ergo, Tu Serenissime Princeps, vosque Proceres inclyti, hospitem olim vestrum, nunc Polonorum, Svecorumque Regem Potentissimum, Septentrionis, & Orientis terrorem, Christianorum decus, & ornamentum, officiorum Vestrorum gratissimum, in amicitia constantissimum, Vestræ Reipublicæ amicum, quod bene cedat Christiano Orbi, dicite, & agnoscite. Et si quando immanis Turcarum rabies perfidæ conjuncta, ejus Majestatis arma laceraverit, id agite, quod ab amicis, sociisque tanti Regis desiderari, quod a magnanimitate, & prudentia Vestra potest expectari. Serenissimus porrò Rex meus, uti omnem Vestram felicitatem suam esse putat, ita vestro, si quod emerferit periculo, non secus ac suo proprio commovebitur discrimine.

Ejusdem

Ejusdem Illustrissimi & Excellentissimi  
PRINCIPIS, &c.

# ORATIO VI.

Habita Thorunij die XXVIII. Augusti  
Anno MDCXLV.

*Dum nomine Sacra ac Serenissimæ Regiæ  
Majestatis Vladislai IV. publicâ in Colla-  
quio charitativo Legatione fungeretur.*



Edivivum tranquilla vene-  
retur Constantinum Po-  
lonia. Non uno Maxentio  
domito, & gloriâ Crucis,  
ultra Istrum & Tanaim  
prolata, Vladislaus Regum constantissi-  
mus, inter virentia, ac florida Almæ pacis,  
quæ ipse plantavit oliveta, de tam beata  
femente sollicitus, tempestivâ curâ ejus-  
dem indemnitati decrevit prospicere,  
Terret in propria crudelis viscera, à me-  
dio jam pæne ævo, conceptus, Orbis  
Christiani furor; quo velut oestro perciti

concivium, cognatorum, imò fratrum animi, prætextu Religionis, & Sacrorum, Religionem evertunt, Sacra profanant, & polluant, sanguinem tot innocentium exhauriunt, Rempublicam Christianam tot propugnatoribus spoliant, & intentis tam luculentæ occasione Barbaris prædunt, & prostituunt. Valida nempe in animos hominum Religio, eos vel arctissimâ stringit compage, vel si ipsa scinditur, ipsa disrumpit, ac dilaniat; ut ne ipsis quidem naturæ vinculis parcat, quamvis universo generi humano summè venerandis. Illa quam optimus quisque se Creatori optimo debere profitetur, gratitudo non patitur alios cancellos, aut ligamenta, præter intentam in id, quod ei credit placere voluntatem, quæ ut recto processerit tramite, aut ab eo deviaverit, mortalium mentes, opinionis suæ tenaces, vel in se ipsas armat, & acuit. Hinc à communi Christiano nomine, & jure exulat, prohdolor! Christiani amoris, & unionis communio, & illud ferrum, quo Christi propaganda erat gloria, in ejus sævit membra



## O R A T I O VI.

bra, imò viscera. Sola hucusque Polonia, prudentissimâ Majorum nostrorum moderatione, tantæ feritatis expers, placidâ tolerantia, mutui inter concives amoris affectum, quamvis sæpe renitentem retinet, ac fovet. Sed hæc universalis, quæ totam inficit Europam, contagio, an non metuenda? imbibent nostrorum animi, vel ex vicinia, vel usurpata inter exteros peregrinantium conversatione, peregrina vitia, & uti in Sole deambulantibus evenire consuevit, sensim se infuscaris, haud sentient. Hinc promanat, provida S. R. M. Domini nostri Clementissimi sollicitudo, quæ dies, noctesque cor, & mentem Regiam incitat ad procurandam (stabilitâ jam politicâ) pacem Ecclesiasticam; uti nempe unicam illius nutricem. Cum verò pacis origo sit amor, & concordia, præmissa matura Cleri in Provinciali Sacra Synodo congregati deliberatione, ad hoc charitativum, & fraternum colloquium, Dissidentes opinionibus in Religione Christiana subditos suos, clementissimè evocare constituit. Quo (remotis illis acerbis al-

tricibus scholasticis nempe concertationibus) de vero, genuinoque uniuscujusque opinionis sensu, tranquilla colloctione discant fraternè colloqui, & remotis calumnijs, falsis traductionibus, & imposturis, unius ab altero abhorrentiam deponere. Quod ubi processerit, non dubitat Sacra Regia Majestas, reliquum genuinæ differentiae facilius componi, & extinctis odijs, spiritum illum, qui in turbine non operatur, sed sibilo leni inspirat, & aura suavi incomprehensibilis potentiae suae disponit, ad illuminanda solo Divini honoris zelo accensa pectora provocari, & allici posse. His verò præmissis conciliabuntur demum praxes, corrigentur mores, profligabuntur scandala, & unius ad alterum postliminio revocabitur fiducia. Et ecce brevis descriptio scopi, ad quem Sacra Regia Majestas collimat, quem consecuturum quis dubitat? hoc tam frequenti, & ad secundanda ejus vota, tam prono concursu, quem auxisset libentissimè suâ ipsius præsentiâ, ut sic demum, Constantini Sarmatici, totum nomen impleret, si

tot

# ORATIO VI. 41

tot diversæ Regnorum curæ, unam  
Reipublicæ partem curare permetterent.  
Me tamen remotâ tantisper, à commu-  
nis Patriæ gubernaculis, vicariâ manu,  
suas hîc vices curare, & nomen ac o-  
men inferre voluit, ut mutux chari-  
tati, paci, tranquillitatiqve facem præ-  
ferrem. Quod dum ego tanti Regis,  
veriqve patriæ patris nomine ago,  
Adeste animis, Reverendissimi, Illu-  
strissimi, Generosissimi, Doctissimi, ac  
Eruditissimi Viri, & quo fine, ita  
DEO disponente, in hunc confluxeritis  
locum, accuratiûs expendite. Hoc nempe  
illud tempus est beatitudinis Vestræ,  
si Ecclesiam, & illi subditum Orbem,  
pace beaveritis; hoc tempus felicitatis  
& gloriæ hujus amplissimi Regni est,  
si Vestrâ curâ & sollicitudine, vestro  
affectu & charitate, natu in Ecclesia  
minori contigerit, per restauratam in  
Ecclesia pacem, primogenitura. Quod  
ergo benevertat nomini Christiano, Ec-  
clesiæ, & Reipublicæ ad opus Vos

accingite,

accingite, ubi manudentem Sacrae  
Regiae Majestatis, Domini Nostri  
clementissimi, instructionem prae-  
legendam, nostraeque Legati-  
onis fiduciaras intelle-  
xeritis.






PANEGYRICUS XII.  
LATINI PACATI  
DREPANII  
THEODOSIO AUG:  
DICTUS.

ARGUMENTVM.

*Latinus Pacatus Drepanius, quem Procon-  
sulem Ausonius dixit, eiꝑ, Ludum VII. Sa-  
pientum & Idyllion XII. inscripsit; è Gallia  
missus Romam Theodosio victoriam de Ma-  
ximo tyranno gratulaturus, laudat primum  
privatas virtutes Theodosij, deinde publicas  
imperij*



**S** quis unquam fuit, Impe-  
rator Auguste, qui te præ-  
sente dicturus ante trepi-  
daverit: eum profectò me  
esse & ipse sentio, & his,  
qui consilium tuum participant, videria  
posse video. Nam cum te semper ultr

A

omnes

## PANEGYRICUS

omnes retro principes laudari oportue-  
 rit, nunc porro ultrâ, quàm alias, prædi-  
 catus es, in ea urbe conveniat dicendo ce-  
 lebrari, cujus & libertatem armatus asse-  
 ruiſti, & auxiſti dignitatem togatus; quo  
 tandem modo conſequi majestatem utri-  
 uſq; veſtrûm oratione mea potero? hoc  
 præcipuè in tempore, quo ambo ita mu-  
 tuò creviſtiſ, ut nec tu fueriſ adhuc ma-  
 jor, nec illa felicior. Huc accedit auditor  
 Senatus, cui cum difficile ſit pro amore,  
 quo in te præditus eſt, de te ſatis fieri;  
 tum difficiliùs, pro ingeniſ atq; heredi-  
 taria crandi facultate, non eſſe ſaſtidio ru-  
 dem hunc & incultum tranſalpini ſermo-  
 niſ horrorem, præſertim cum abſurdæ  
 ſiniſtræq; iactantiæ poſſit videri, hiſ o-  
 ſtentare ſacundiam, quam de eorum fon-  
 te manantem in noſtros uſq; uſuſ deriva-  
 tio ſera traduxit. Quibuſ equidem cogi-  
 tatiſ adeo ſolicitor, ut non eoſ tantum  
 hodie arbitrer intereſſe, quoſ cerno, ſed  
 aſſiſtere obverſariq; dicturo Catoneſ in  
 pſoſ, & Tullioſ, & Hortenſioſ, omneſ-  
 que illoſ Oratoreſ putem, qui me in po-  
 ſteris

## LATINI PACATI. 3

steris suis audiunt. Ita multiplici circumventus metu, quasi parùm habeam timere quod video, ( fingo ) quod timeam.

Quid ergo? novusne me pavor, & inopina trepidatio in ipso dicendi tempore deprehendit? Mihi verò ij omnes, quibus altrinsecus iactor, æstus diu ante meditati, longèq; prospecti sunt. Sed cùm admiratione virtutum tuarum ab ultimo Galliarum recessu, quà littus Oceani cadentem excipit Solem, & deficientibus terris sociale miscetur elementum, ad contuendum te adorandumq; properàssem, ut bona quæ auribus coeperam, etiam visu usurparem; timui, fateor, pij laboris officium impia taciturnitate corrumpere. Ita dum obsequio interpretor impudentiam, dum in eundem hominem non puto convenire gaudium & silentium; duas res diversissimas junxi, metum & temeritatem. Quin & illud me impulit ad dicendum, quod ut dicerem, nullus adigebat, non enim jam coacta laudatio, & expressæ metu voces periculum silentij redimunt. Fuerit, abieritq; tristis illa facun-

diæ ancillantæ necessitas, cum truce  
dominum, auras omnes plausuum publi-  
corum ventosa popularitate captantem,  
mendax assentatio titillabat, quum grati-  
as agebant dolentes, & tyrannum non  
prædicasse, tyrannidis accusatio vocaba-  
tur. Nunc par dicendi tacendiq; liber-  
tas, & quàm promptum laudare princi-  
pem, tam tutum siluisse de principe. Li-  
bet igitur redditam postliminio securita-  
tem loquendo experiri; libet, inquam,  
quia neminem magis laudari Imperato-  
rem decet, quàm quem minùs necesse est.

Det igitur mihi sermonis hujus auspi-  
cium ille felicitatis publicæ auspex dies,  
qui te primus inauguravit imperio, nam  
ut Divinis rebus operantes in eam Cæli  
plagam ora convertimus, à qua lucis e-  
xordium est; sic ego vota verborum,  
quæ olim nuncupaveram, soluturus, id  
oratione mea tempus arripiam, quo Ro-  
mana lux coepit. Iacebat innumerabilibus  
malis ægra, vel potiùs dixerim, exanima-  
ta respublica, barbaris nationibus Roma-  
no nomini, velut quodam diluvio, super-  
fusus



## LATINI PACATI. 5

fufis. Sed parcam replicare cauffas, & placatum vulgus offendere, nam cum per fe vivax fit recordatio calamitatum, tum mihi metus hanc gaudiorum præfentium lucem triftium commemoratione fufcare. Faciam ergo, quod facere præftantes ſcientia medicos sæpe vidi; aliorum vulnerum cicatrices, poftquam cutem ſanitate duxerunt, manu pendente tractabo, per ſententias iſſe, & ſingulos univerſosque rogitaffe contentus, an, cum inter omnes liqueret, feſſis rebus medendum, tali aliquo viro publicis gubernaculis admoventi, qui Imperatoris unius tueretur ætatem, alterius iuvaret laborem, potuerimus huiusmodi principem vel optare. In integro itaq; rem totam eſſe faciamus, & in quodam orbis terrarum comitio quæri putemus, quisnam ſit ille, qui debeat tantam molem ſubire, & nutantia Romanæ rei fata ſuſcipere. Nonne is omnium ſuffragijs hominum tributim centuriatimq; legeretur, cui felix patria, cui domus clara, cui forma Divina, cui ætas integra, cui militari-

um civiliumq; rerum usus contigisset?  
 Cuncta igitur à capite proposito ordi-  
 ne prosequamur, jam profectò constabit  
 eum principem declaratum, qui & ab om-  
 nibus legi debuerit, & ex omnibus.  
 Nam primùm tibi mater Hispania est,  
 terris omnibus terra felicior, cui excolen-  
 dæ, atq; adeo ditandæ impensius, quàm  
 cæteris gentibus, supremus ille rerum fa-  
 bricator indulsit. Quæ nec Austrinis ob-  
 noxia æstibus, nec Arctoïis subjecta frigo-  
 ribus, media fovetur axis utriusq; tempe-  
 rie: quæ hinc Pyrenæis montibus, illinc  
 Oceani æstibus, inde Tyrreni maris lit-  
 toribus coronata, naturæ solertis inge-  
 nio, velut alter orbis, includitur. Adde  
 tot egregias civitates, adde culta incultaq;  
 omnia vel fructibus plena, vel gregibus;  
 adde auriferorum opes fluminum; adde  
 radiantium metalla gemmarum. Scio fa-  
 bulas Pœtarum, auribus mulcendis reper-  
 tas, aliqua nonnullis gentibus attribuisse  
 miracula: quæ, ut sint vera, sunt singula,  
 nec jam excutio veritatem. Sint, ut scri-  
 bitur, Gargara proventu læta tritico,  
 Meva-

## LATINI PACATI.

7

Mevania memoretur armento, Campania  
 cenfeatur monte Gaurano, Lydia prædi-  
 cetur amne Pactolo; dum Hispaniæ uni,  
 quidquid ubiq; laudatur, affurgat. Hæc  
durissimos milites, hæc experientissimos  
Duces, hæc facundissimos Oratores, hæc  
clarissimos Vates parit: hæc Judicium ma-  
ter, hæc Principum est. Hæc Trajanum  
illum, hæc deinceps Adrianum misit im-  
perio, huic te debet imperium. Cedat  
his terris terra Cretensis parvi Iovis glo-  
riata cunabulis: & geminis Delos reptata  
numinibus; & alumno Hercule nobiles  
Thebæ. Fidem constare nescimus audi-  
 tis: **DEUM** dedit Hispania, quem vi-  
 demus.

Erat justæ compensationis occasio, ut,  
 qui de patriæ tuæ laudibus pauca dixis-  
 sem, Patris saltem virtutibus prædican-  
 dis prolixius immorarer: sed quid faciam?  
 Novam quandam patior ex copia diffi-  
 cultatem. Quid, inquam, faciam? Quæ  
Rhenus aut Vahalis vidit, aggrediar?  
Jam se mihi Sarmatica cæde sanguineus  
Ister obijciat. Attritam pedestribus præ-

lijs Bataviam referam? Saxo consumptus  
 bellis navalibus offeretur? Redactum ad  
 paludes suas Scotum loquar? Compulsus  
 in solitudines avias omnis Alamanus, &  
 uterq; Maurus occurrent. Cum igitur  
 impediatur turba delectum; ad hoc tanti vi-  
 ri gesta præstet in summam referre, quàm  
 enumerando tenuare. Dixisse sufficiat,  
 unum illum divinitus existisse, in quo  
 virtutes simul omnes vigerent, quæ sin-  
 gulæ in omnibus prædicantur. An si e-  
 jus sæculo mos ille vixisset, quo Romani  
 Duces Macedonici, Cretici, Numantini  
 de vōcābulis gentium subactarum adopti-  
 vum insigne sumebant: nonne hodie pau-  
 ciora in annalium scrinijs, quàm in ve-  
 stræ domûs titulis, cognomenta legeren-  
 tur; quum ipse Saxonicus, ipse Sarmati-  
 cus, ipse Alamanicus diceretur, & quan-  
 tum tota respublica habet hostium, tan-  
 tum una familia ostenderet, & trium-  
 phorum?

Sed quid necesse est mitti in præteri-  
 tum diligentiam curiosam? Patrem, Im-  
 perator, tuum de te æstimemus. Nec dif-  
 ficilis



facilis conjectatio est, nam cum duo sint, quæ claros Duces faciant, summa virtus, summaq; felicitas; scire obvium est, quâ præditus fuerit virtute, qui te docuit, quâ fuerit felicitate præditus, qui te genuit. O digna Imperatore nobilitas! ejus esse filium Principem, qui Princeps esse debuerit, qui hunc Romani fastigij apicem non solum fortitudine atq; sapientiâ, sed decore etiam corporis & dignitate potuerit æquare! velut tua hæc forma venerabilis, quam fortunæ suæ par est? quam longè latèq; conspicua commendat imperium? ut planè in ambiguo sit, utrumné te magis nostris mentibus virtus, an obtutibus vultus insinuet. Non frustra planè opinione sapientium, qui naturalium momenta causarum subtiliùs sciscitati, arcanis cælestibus nobiles curas intulerunt, augustissima quæq; species plurimùm creditur trahere de Cælo, sive enim Divinus ille animus venturus in corpus dignum prius metatur hospitium, sive cùm venerit, fingit habitaculum pro habitu suo, sive aliud ex altero crescit, & cùm se paria junxe-

runt, utraq; majora sunt, parcam arcanum cæleste rimari. Tibi istud soli pateat Imperator, cum DEO consorte secretum. Illud dicam, quod intellexisse hominem, & dixisse fas est; talem esse debere, qui à gentibus adoratur, cui toto orbe terrarum privata vel publica vota redduntur, à quo petit navigaturus fenum, peregrinaturus reditum, pugnaturus auspicium.

Dudum, ut video, dedignaris hanc gloriam: sed patere eam in laudum tuarum parte constitui, quæ solebat in alijs sola laudari. Virtus tua meruit imperium, sed virtuti addidit forma suffragium. Illa præstitit ut oporteret te Principem fieri; hæc ut deceret. An verò quidquam putamus in imperij tui declaratione præteritum, cum duciam esse rationem ipsorum etiam videamus annorum? cujus quidem rei tanta fuit cura majoribus, ut non solum in amplissimis magistratibus adipiscendis, sed in præturis quoque, aut ædilitatibus capeffendis ætas spectata sit petitorum, nec quisquam tantum valuerit nobili-

## LATINI PACATI. 11

nobilitate, vel gratiâ, vel pecuniâ, qui annos comitali lege præscriptos festinatis honoribus occupârit. Nec injuria id quidem, nam & qui venturi sunt in virtutis adoptionem, illo tamen adolescentiæ lubrico, ut non cadant, titubant. An non clarissimos nominis Romani viros (Sullas, Catulos, Scipiones loquor) aliquantis per sibi luxuria vindicavit? quos etsi ad portum mutati in melius revexerint flatus, diu tamen vitiorum turbo iactavit, & naufragos atq; fluitantes, ab illis, quibus mersabantur, erroribus ægrè ætas recepit. Bene igitur cuncta quadrârunt, & cæteris, quæ innumera congruebant, anni quoque suum junxere suffragium, qui soli in homine perfecti, bono duarum potiuntur ætatum, virtute juvenum, & maturitate seniorum. Prius fortasse imperium inire debueris, ut diutius imperares; sed sine, exempli periculo providebitur, ne quid amiseris. Vitâ longiore pensandum, quod ex præterito perdidisti, parùm interest, quando coeperit, quod terminum non habebit.

Hactenus

Haecenus in te praedicata sint Impera-  
 tor, dona factorum: nunc ad ea profera-  
 mus gradum, quæ tibi debes. Neq; enim  
 tua illa præterita bellicæ rei gloria, quam  
 per tot laborum experimenta quæsisti,  
 adscribenda fortunæ est. Cui hoc nomine  
 etiam succenseri potest, quod, quem sce-  
 ptro & solio destinaverat, nunquam in-  
 dulgenter habuit: sed ut severi Patres his,  
 quos plûs diligunt, filijs tristiores sunt;  
 ita illa te plurimis bellis, & difficillimis  
 reipublicæ temporibus exercuit, dum ap-  
 ptat imperio. Et priûs quidem quàm ad  
 illa veniam, quæ ævi maturus egisti, sum-  
 matim tuum illud attingam cum Patre di-  
 vino castrense collegium, actas sub pelli-  
 bus hyemes, ætates inter bella sudatas,  
 dies noctesq; præliando, aut vigilando  
 consumptas, gravissimas pugnas terra-  
 mariq; pugnatas. Non tam patiens Afri-  
 canus prima rudimenta militiæ sub Paulo  
 Patre toleravit, nec pari indole Hannibal  
 puer in tentoria Hispana successit, nec fu-  
 turarum spe certiore virtutum, Philippea  
 castra Alexander, nondum magnus, imple-

vit



vit. Quos etsi plurimâ laude dotaverit  
amplificatrix veri vetustas, nihil plûs ta-  
men blandita præstitit, quàm ut eos in his  
annis secutos Regum aut Ducum castra  
vulgaret, in quibus tu ita fortiter multa  
gessisti, ut ea non tantùm Alexander, aut  
Africanus, aut Hannibal videre dum di-  
scerent, sed parentes atq; institutores eo-  
rum optâssent facere, dum docerent.

Quàm tecta sunt semper consilia for-  
tunæ! Quis, quæso, tum publicis rebus  
non putâssent inimicum tuum illum à sta-  
tione castrensi ad quietem receptum? E-  
nimverò illa futurum Principem comens  
idcirco paulisper voluit esse privatum,  
ut, quia jam ad plenum bellicis artibus a-  
bundabas, usus civilis experiens sub otij  
tempore redderis: quod ego tuum oti-  
um aliorum negotijs anteverto. Non e-  
nim te amoena littora, nec dispositi ad  
temporum vices habuère secessus, sed sive  
tu agris, sive oppidis tempus dabas, rem  
& famam pariter augebas. Et in urbibus  
quidem omnium ætatum ordinumq; ho-  
mines his aut illis beneficijs apprehende-  
bas

bas, amicorum commoda, absentium negotia assiduitate, consilio, re juvabas. Jam si placuisset oppida rure mutare, ut tu vitæ oblitus urbanæ exequebaris agricolam? Audio etiam, Imperator, & credo, sæpe aliqua te laborum tibi injunxisse, & ne contraheres corporis veternum, cujusce-  
modi semper opere insidiantis otij terfisse  
• rubiginem. Sic agrestes Curi, sic veteres Coruncani, sic nomina reverenda Fabricij, cum induciæ bella suspenderant, inter aratra vivebant; & ne virtus quiete langvesceret, depositis in gremio Capitolini Iovis laureis, triumphales viri rusticabantur. Inde est quod accepimus, datos ferentibus fasces, & missas cum curulibus suis per rura palmatas, quod agricolas consulares, pastoresq; trabeatos, & dictatores inter armenta vestitos. Sed illos quidem angusta res familiaris addicebat labori, ut quibus ipsis suburbani horti, præcepsq; Ianiculum, & jugera arctata pomerio vomere essent, aut ligone versanda, nec injuria opus reverteretur ad dominos, cum deerant quibus juberent. Detrahit  
lau-

laudem patientiæ inopia: majoris exempli est labor sine necessitate.

Gaudent profectò Divina perpetuo motu, & jugi agitatione se vegetat æternitas, & quidquid homines vocamus laborem, vestra natura est. Ut indefessa vertigo Cælum rotat, ut maria æstibus inquietata sunt, ut stare Sol nescit, ita tu Imperator, continuatis negotijs, & in se quodam orbe redeuntibus, semper exercitus es. Vix tecta Hispana successeras, jam Sarmaticis tabernaculis tegebaris: vix emerita arma suspenderas, jam hosti armatus instabas: vix Iberum tuum videras, jam Istro prætendebas. Ne tum quidem, cum in altiore provectus gradum, jubere tantum, & dividere cum negotijs otium, & parta gloria velut reposito frui posses honore, operam remisisti, quin omnium castrensium munerum numeros primus, aut cum primis obires, stare pro signis, excubias sorte agere, vallum ferre, locum bello antecapere, speculatum egredi, castra metari, in prælium primus ire, prælio postremus excedere, dux consilio esse

esse, miles exemplo: ut jam tum posset intelligi, alios Imperatori pugnare, te tibi. Illud tamen præ cæteris mirum, quòd cum omnia faceres, ut imperare deberes; nihil tamen faciebas, ut imperares.

Argumento est dies ille communis boni auctor, quo tu cum ad suscipiendam rempublicam vocabaris, oblatum imperium deprecatus es: nec id ad speciem tantum, ut cogi videreris; sed obnixè, & diu, & velut impetraturus egisti, quippe aberat causa fingendi, non enim te Princeps solus & domi, & tanquam tentaret, ambibat: sed publicè, & in comitio, & ut aliud jam facere non posset: prorsus ut nisi imperium affectu simplici noluiisses, potueris velle securus. Expostulari hoc loco tecum reipublicæ verbis necesse est, quæ in summam tuâ cunctatione formidinem à media spe relapsa, tali aliquâ te profectò, sed quam solus audires, voce convenit: *Parumne me Theodosi hætenus distulere fata, ut tu insuper tentes moras augere factorum? An nescis rem tuam per momenta consumi? Nescis me tibi tuisq; decrescere? quid-*  
*quid*



*quid atterit Gothus, quidquid rapit Hunnus, quidquid aufert Alanus, id olim desiderabit Arcadius, perdidit infortunata Pannonias: lugeo funus Illyrici: spectro excidium Galliarum. Principum senior in tanta bella non sufficit; alter etsi futurus sit aliquando fortissimus, adhuc tamen parvus est. Tu dubitas excipere collapsam, & ut nihil differas, serò reparandam? Hanc mihi gratiam refers, quod te etiam felix desideravi? quod, cum me Nerva tranquillus, amor generis humani Titus, pietate memorabilis Antoninus teneret; cum mœnibus Augustus ornaret, legibus Adrianus imbueret, finibus Trajanus augeret, parùm mihi videbar beata, quia non eram tua? Quid tu mihi faceres, si juris tui esses? Orat ecce te dominus meus, orat ecce te dominus adhuc tuus, & qui posset cogere, mavult impetrare. Imperium, quod ab Imperatore defertur, tam tibi nolle jam non licet, quàm velle non licuit.*

*Solus igitur Auguste, solus, nquam, omnium qui adhuc imperaverunt, ut Princeps esses, præstitisti. Alios empta legionum suffragia, alios vacans aula, alios ad-*

finitas Regia impofuêre reipublicæ: te nec  
ambitus, nec occasio, nec propinquitas  
Principem creaverunt, nam & eras à fa-  
milia Imperatoris alienus, & adfcifceba-  
ris tertius, & cogebaris invitus, invitus,  
inquam. Audite hoc publici parricidæ,  
qui oblitâ fide, dominorum fceptra coepi-  
ftis, & periculo non minore quàm scelere,  
imperium vita pacifcentes, fanguinis pre-  
tio regium nomen emiftis; repulfam pati-  
tur Principatus, & unus eft ambitus can-  
didati, ne declaretur. Credetne hoc olim  
ventura pofteritas, & præftabit nobis  
tam gloriofam fidem, ut noftro demum  
fæculo annuat factum, quòd tantis infra  
fupraq; temporibus nec invenerit æmu-  
lum, nec habuerit exemplum? Sed qui vi-  
tæ tuæ fectam rationesq; cognoverit: fi-  
dei jncunctanter accedet, nec abnuiffe du-  
bitabit imperium fic imperaturum. Illi  
enim, illi avidè Regna defiderent, quos  
foluta legibus vita delectat, quorum cru-  
delitas indemnatos necandi, cupiditas  
privata rapiendi, libido honefta foedandi,  
jus atq; impunitatem requirunt. Quid  
tua

tua intererat te Principem fieri, qui futurus eras in Imperatore privatus? nisi fortè in te hodie aut pudicitiae remissior cultus, aut minor sanguinis humani metus, aut alienae rei major est appetitus. Idem es qui fuisti, & tantum tibi per te licet, quantum per leges licebat. Jus summum facultate & copiâ commodandi, non securitate peccandi experiris. Unum tibi praestitit Principatus, ut certum haberemus omnes, etiam sub Imperatoribus alijs vixisse te legibus tuis. Nam qui nihili facit licenter cum potest, nunquam voluit.

Quin ubi primum te imperio praestitisti, non contentus ipse ultra vitia recessisse, alienis vitijs corrigendis curam adjecisti; idq; moderatè, ut suadere potius honesta, quam cogere videreris. Et quia vel longo orientis usu, vel multorum retro Principum remissione, tantus quosdam luxus infecerat, ut adulta consuetudo lasciviae haud quaquam facile videretur obtemperatura medicinae, ne quis se pati injuriam putaret; à te voluisti incipere censuram, & impendia Palatina minuendo,

nec solùm abundantem recidendo sumptum, sed vix necessarium usurpando dimensum, quod natura difficillimum est, emendâsti volentes. An quis ferret molestæ, ad Principis semet modum còerceri? aut subtractum sibi doleret de privata luxuria: cùm videret Imperatorem, rerum potentem, terrarum hominumq; dominum, parcè contentèq; viventem, modico & castrensi cibo jejunia longa solantem? ad hoc aulam omnem Spartanis gymnasijs duriozem, laboris, patientiæ, frugalitatis exemplis abundantem? neminem unum inveniri, qui auderet ad penum regiam flagitare remotorum littorum piscem, peregrini àëris volucrem, alieni temporis florem?

Nam delicati illi ac fluentes, & quales tulit sæpe respublica, parùm se lautos putabant, nisi luxuria vertisset annum, nisi hibernæ poculis rosæ innatâssent, nisi æstiva in gemmis capacibus glacie Falerna fregissent. Horum gulæ angustus erat noster orbis. Namq; appositas dapes non sapore, sed sumptu æstimantes, illis de-



num cibis adquiescebant, quos extremus oriens, aut positus extra Romanum Colchus imperium aut famosa naufragijs maria misissent, quos invitæ quodammodo reluctantiq; naturæ hominum pericla rapuissent. Ut taceam, infami sæpe delectu scriptos in Provincijs aucupes, ductasq; sub signis venatorum cohortes militasse convivij: nonne cognovimus cujusdam retro Principis non prandia sæpe, sed fercula sesterium millies æstimata, patrimoniorum equestrium pretia traxisse? Tuæ, Imperator, epulæ, mensis communibus parciores, locorum ac temporum fructibus instruuntur. Hinc certatim in omnes luxuriæ pudor, parsimoniæ cultus inolevit, & quiescentibus legum minis, subiit quemq; privatim sui pænitentia. Sic est enim, sic est, exasperat homines imperata correctio, blandissimè jubetur exemplo.

Sed cum hæc, & ad hunc modum cætera, mores hominum & instituta formarent, tum nihil abdicandis vitijs, adoptandisq; virtutibus impensius sentio profuisse, quàm quòd his te viris semper dedisti,

Bj

quos

quos affectare publica deberet imitatio, qui, quàm faciles tibi fuissent sequacesq; discipuli, tam cæteris expetendi essent magistri. Ut de his fileam, quos tibi primus ille nascentis imperij dies obtulit, tantis virtutibus præditos, ut non pro copia sumpti, sed ex copia viderentur optati, quot tu postea qualesq; legisti, quibus Provinciarum custodiam, quibus militaris rei summam, quibus consiliorum tuorum arcana committeres? Ergo cum duplex fuerit iste delectus, unus ex iudicio, alter ex fato, incertum meliores viros sapientia tua, an fortuna quæsierit, cum tales vel acceptos habeas, vel repertos, ut & illi meruerint teneri, & isti debuerint cooptari.

Ecquis Imperatorum unquam putavit amicitiae cultum in regia laude ponendum? humilis hæc virtus, dubiumq; an virtus iudicabatur, nec palatijs digna, sed pergulis habebatur. Inde facilius inveneris, qui pecuniam ex ærario, quam qui ex animo fidem prompserint. Optimus ille ditabat, non etiam diligebat: prodesse no-

verat

verat, amare nesciebat. Tu amicitiam, nomen ante privatum, non solum intra aulam vocasti, sed indutam purpurâ, auro, gemmisq; redimitam, folio recepisti, reque, non verbis adservisti, Principis mentem tantò in suos benigniorem esse debere, quantò sit fortunâ præstantior, cum fide ac facultate paribus agas, & familiaribus tuis Imperator tribuas, quod privatus optâras. Quanquam quæ capere vota potuerunt, quod pleriq; te Princeps consecuti sunt? nec nunc de his honoribus loquor, quos in quemcunq; conferre Imperatori necesse est. Dux aliquis evehitur? exigit disciplinâ castrorum. Præfectus attollitur? imponendum est Provinciae caput. Consul creatur? habiturus est nomen annus. Ita in summis illis pulcherrimisq; beneficijs est aliqua præstantis utilitas. A te, novâ benignitate, is amicis honos habitus est, qui totus esset illorum, quibus deferrebatur, nihilq; ex eo ad te redundaret, nisi dandi voluptas. Cui cum essent domi filij, geminae illæ spes oculiq; reipublicæ, dilatis eorum

magistratibus, amicos consulatus ornavit. Si me hercule vir ille divinus, felicitatis publicæ auctor, parens tuus viveret, quid aliud expectasset à filio, quàm ut nepotibus anteferretur? Præstitisti igitur amicis, quò plùs nec patri præstare potuisses. O benevolentix tuæ singulare consilium! auges tempore dignitatem, quæ incrementum ex magnitudine non habebat. Renuntiantur amici ante filios tuos consules, quia non poterant plùs esse quàm consules.

Eat nunc sui ostentatrix vetustas, & illa innumeris literarum vulgata monumentis iactet exempla. Pirithoi fidem prædicet, & decantatum omnibus scenis Phocæi juvenis laudet officium; Phintiam etiam, si videtur, dicat & Damona, quorum alter in amici morte se vadem obtulit, alter ad diem vadatæ mortis occurrit. Ut hæc esse vera credamus, quæ mendacijs vatum in plausus aptata cavearum fidem temporari debent, num præstare credendo plùs possumus, quàm ut istos, qui amicitix laude censentur, amicorum fuisse quàm  
sui

fui diligentiores putemus? Sed cum instituyente natura plùs ferê filios quàm nosmet ipsos diligamus, omne vicit exemplum, qui amicos his prætulit, quos sibi præferebat. Sed tu quidem ad exonerandam debentium verecundiam, quæ in tuos confers, non vis videri præstare, sed reddere. Geramus tibi morem, & beneficiorum summas tuorum pro tua voluntate ducentes, quidquid familiaribus tuis tribuis, non expendi potius, sed rependi putemus. Enimverò cum leviter cognitos, aut etiam semel visos, ijs honoribus simul ditas, quibus & amici possent esse contenti: nonne omnibus vis probare amicum tibi esse, qui bonus sit? Cuicunq; quid publici mandatum fuerit officij, præmium spondetur, & redditur. Sibi humilitatem & tenebras suas imputet jacens virtus, quæ non obtulit se probandam, quod conscientiaæ tuæ sufficit, honoratus est qui probatus.

Velim tamen dicas, unde, cum tantis promissa persolvas, quid cui promiseris scias, nec te vel reipublicæ cura, vel ipsa



illa tuorum beneficiorum turba confundat, ut parcius, tardiorve, tempore quem modove decipias. Quis debitor verecundus ita mutuum ad diem reddit, ut tu, quod promittis, appendis? nec imponi negligentibus arbitreris, quotidie in beneficia tua quærimus, & memoriam convenimus, & ne singulis infidietur oblivio, cum altero quisq; conferimus. Unum invenire non possumus, cujus spem atq; expectationem non dicam fefelleris, sed, quæ delicatior est querela, distuleris. Solamne me Imperator benevolentiam tuam mirari putas? at ego miror etiam memoriam, nam cui Hortensio, Lucullove, vel Cæsari tam parata unquam adfuit recordatio, quam tibi sacra mens tua loco momentoque, quo jusseris, reddit omne depositum? utrum te tamen ipse admones? an ut illi majestatis tuæ participi DEO, feruntur adfistere fata cum tabulis: sic tibi aliqua vis Divina subseruit, quæ, quod dixeris, scribat, & suggerat? Nihil ita primoribus labris polliceris, quin promisso fidem subdas, & verba re sancias. Nemo

jam, nemo beneficia, quæ dederis, ab eo credit tempore computanda, quo dederis; quia tam sint certa, quæ spondes, ut tum videantur accepta, cum spondes.

Jam id ipsum, quod ante promittis, nonne de summo purissimæ mentis candore proficiscitur? nam cujus est animi, nec vota hominum fatigare, nec adhibere muneribus artem difficultatis? sed denuntiare præstanda, ut & prolixior sit sensus bonorum, nec repentina felicitas faciat attonitos, & similes reddat ingratis? animos enim nostros, subitis affectibus impares, proinde lætitia ac dolor, si deprehendat, externat. An non illa Romana pietatis notissimæ mater, nuntio mali Cannensis, exterrita, filio reduce, quem flebat, conduxit in mortem, nec par esse gaudio potuit, quæ superfuerat orbitati? Conscijs igitur cælestis arcani, & naturalium depositorum, mavis hominibus sperata procedere, quàm insperata supervenire beneficia. Nec immeritò, namq; fugitiva successuum repentinorum voluptas ut occupat, sic relinquit: felicitas longior est.

est, exspectare securum. Itaq; cum ha-  
ctenus a natura esset statutum ut bona sua  
homines nescirent, & tum primum inci-  
perent felicitate gaudere, cum coepissent  
esse felices: tu promittendo praestanda,  
invenisti tempus, quod nobis natura sub-  
traxerat, ut, quos adepta solum juvabant,  
etiam adipiscenda delectent.

Pari benignitate cum plures afficere ho-  
noribus velles, quam honorum loca ad-  
mitterent, & angustior esset materia vo-  
luntate: nec mentem tuam quamvis diffu-  
sum caperet imperium, quem nondum  
aliquo provexisti gradu; tamen dignatione  
es solatus. Atq; haud scio, an quibusdam  
consolatio ista suffecerit. Ille cohonestatus  
affatu, ille mensa beatus, ille osculo  
consecratus est. Ita omnibus, qui te prin-  
cipe sibi jure confiderent, aut processit di-  
gnitas, aut satisfecit humanitas: humani-  
tas, inquam, quae tam clara in Imperatore  
quam rara est. Nam cum indiscreta feli-  
cium pedissequa sit superbia, vix cuiquam  
contigit & abundare fortuna, & indigere  
arrogantia. Cujus quidem ita majores

no-

nostros pertæsum est, ut graviozem semper putaverint servitute contemptum, ejusq; impatientiâ sint coacti, post bellatores Tullos Numasq; sacrificos, & Romulos conditores, regnum usq; ad nomen odisse. Deniq; ipsum illum Tarquinium execratione postremâ hoc damnaverunt maledicto, & hominem libidine præcipitem, avaritiâ cæcum, immanem crudelitate, furore vecordem, vocaverunt superbum, & putaverunt sufficere convicium. Quod si per rerum naturam liceret, ut ille Romanæ libertatis assertor, regij nominis Brutus osor, præcarie redditus vitæ, sæculum tuum cerneret, studijs virtutis, parsimonie, humanitatis imbutum ac refertum; nullum toto orbe terrarum superbiæ, libidinis, crudelitatis exstare vestigium; jam te ipsum quâ publicè, quâ privatim, videret priscorum duritia Ducum, castitate Pontificum, consulum moderatione, petitorum comitate viventem; mutaret profectò sententiam tantò post suam: & cum Romanam dignitatem ac libertatem probaret, meliore in statu Imperatore

ratore te esse quàm consule se fuisset, necessariò fateretur, Tarquinium submoveri debuisse, non regnum.

Sed quod facere magnas urbes ingressi solemus, ut primùm sacras ædes, & dicata numini summo delubra visamus, tum fora, atq; gymnasia, & pro suis extenta porticibus ambulacra miremur: ita in laudibus tuis sanctos palatii ritus, & priscis æquanda cærimonijs instituta venerati, gradum ad illa proferimus, quæ in medio constituta, & ad publicos usus facientia, non partim, sed in commune conducunt: nec parietibus, sed orbe clauduntur: nec tecto, sed Cælo operiuntur. Velut primum illud est, ne statim summa captemus, quod creber egressu expectantibus populis te fateris, nec videri modò patiens, sed facilis adiri, è proximo accipis vota hominum tuorum: ut, quisquis ille consultor est, etiamsi meruerit (quod est rarum) repulsam, ferat tamen visi numinis conscientiam. At quàm aliter illorum Principum mos fuit, (quos loquar, notum est,) qui majestatem regiam imminui &

vul-



vulgari putabant, nisi eos intra repositum Palatinæ ædis inclusos, tanquam aliquod Vestale secretum veneratio occulta consiluisse: nisi intra domesticam umbram iacentes solitudo provisa & silentia latè conciliata vallâssent. Quin si quando in lucem venire, & diem ferre potuissent, lecticis tensisq; subvecti, & densissimâ circum supraq; cooperti virorum armorumque testudine, sensim atq; ad numerum movebantur, tum longè populus abigebatur, nec otiosa viatoris manus plebem verberare submovebat; ut secretum esset in publico. At noster hic omnibus specandus offertur, nec magis communem hunc diem atq; Solem, quàm nostrum Imperatorem videri licet. Quin, cum vicinum habeant permissa fastidium, nunquam iste mirantes explet oculos, magis magisq; visus expetitur, & novum dictu, præiens desideratur.

Miremur in urbibus tuis, & à tuis populis te videri, quem ferè nulla in solo suo natio externa non vidit: idq; ita crebro, ut pæne tam notus sit barbaris vultus iste, quàm

quàm nobis? nec frustra, cum æstates omnes foris, hyemes domi ducens, civibus hostibusq; pari sorte anni spatia divideris: & si qui fortè sunt barbarorum, qui nondum virtutis tuæ fulmen exceperint, nominis terrore perculsi, & velut afflati quiescant. Tua enim, Imperator, auspicia, non hæ tantùm gentes tremunt, quas ab orbe nostro sylvarum intervalla, vel flumina, montesve distinguunt, sed quas æternis ardoribus inaccessas, aut continuâ hyeme separatas, aut interfusis æquoribus abjunctas natura determinat, non Oceano Indus, non frigore Bosphorus, non Arabs medio Sole securus est; & quo vix pervenerat nomen ante Romanum, accedit imperium. Dicamné ego receptos ad servitium Gotthos, castris tuis militem, terris sufficere cultorem? dicam à rebellibus Saracenis pœnas polluti foederis expetitas? dicam interdictum Scythis Tanaim, & imbelles arcus etiam fugientis Albani? Quæcunq; natio barbarorum robore, ferocia, numero gravis unquam nobis fuit, aut boni consulit, ut quiescat; aut læta-

lætatur, quasi amica, si serviat. Persis ipsa, reipublicæ nostræ retro æmula, & multis Romanorum Ducum famosa fune-ribus, quidquid unquam in Principes no-istros inclementiùs fecit, excusat obsequio. Deniq; ipse ille Rex ejus, dedignatus an-tea confiteri hominem, jam fatetur timo-rem, & in his te colit templis, in quibus colitur: tum legatione mittendâ, gemmis sericoq; præbendo, ad hoc triumphalibus belluis in tua effeda suggerendis; etsi ad- huc non est foederatus, jam tamen tuis cultibus tributarius est.

Ne tamen, Imperator, existimes cuncta me ad aurium gratiam locuturum, trium-phis tuis Gallicis (stupeas licebit) irasci- mur, dum in remota terrarum vincendo procedis, dum ultra terminos rerum, me- tasq; naturæ regna orientis extendis, dum ad illos primæ lucis indigenas, & in i- psum, si quod est Solis cubile, festinas, in- venit tyrannus ad scelera secretum. Quam parvis veniunt summa mala princi- pijs! Sic in ultimum prope Italici generis excidium, effracto Cnæi Lentuli ludo,

mirmillonum agmen emicuit. Sic bella Consulibus ancipiti Marte pugnata Cilix pirata conflavit. Sic tenentibus arma fugitivis, Romana diu pila cesserunt ferro ergastulorum. Quis non ad primum novi sceleris nuntium hominem risit? nam res infra dignitatem iracundiæ videbatur, cum pauci homines, & insulani, totius incendium continentis adolerent, & regali habitu exulem suum illi exules orbis induerent? At quantos parturiebat Fortuna motus, quantum Reipublicæ malum pestis augenda, quantam tibi gloriam restingvenda servabat? præcipuè cum perfidia Ducum, defectione legionum contra Rempublicam foret versum, quidquid pro Republica fuerat armatum.

Nolo tamen usquequaq; miserorum vel factum onerare, vel fatum, qui dum carnifici purpurato, tuâ se & affinitate & favore iactanti, infeliciter credunt, gravissimum omnium nefas fecerunt affectu innocentium. Intellego, quàm difficilem in locum scopulosumq; devenerim. Nam cum revolui id lustrale iustitium, aures  
tuæ

tuæ respuant, laudes petant; gloriæq; interfit, ad præsentium commendationem bonorum mala decursa reputari, contra verò clementia summa beneficium suum malit imminui, quàm tristium enumeratione cumulari; necesse erit me vel tacentem publica incommoda, vel loquentem, aut ingratum virtuti, aut onerosum esse pietati. Sed tamen, Imperator, exiguam sensibus tuis injunge patientiam, nam si dulcis in bonis miseriarum recordatio est, si nautas tempestatum, si medicos juvat meminisse morborum; cur non tu quoq; mala nostra audias, ut tua beneficia recognoscas? Unde igitur ordiar, nisi à tuis, mea Gallia, malis? quæ ex omnibus terris, quas illa pestis infederat, haud injuria tibi vindicas privilegium miseriarum, non auribus modò, quarum sensus est levior, sed coram oculis ferre compulsam victoriam Maximi, interitum Gratiani. Alta licèt vulnera, quod fatendum est, proximus nobis Italus, & contiguus ostendat Hispanus: sed in dolore summo habet suum uterq; solatium, tyrannidem ille non



vidit; hic tyrannicidium vidit. Nos primi  
impetum bellæ furentis excepimus, nos  
scævitiâ ejus innocentium sanguine, nos  
cupiditatem publicâ paupertate satiavi-  
mus. Apud nos semet exercuit crudeli-  
 tas jam secura, & adhuc inops avaritia.  
 Alibi malum publicum aut coepit, aut  
 destitit; in Gallia sedit.

Quis se nobis calamitate contulerit?  
 tyrannum & cum alijs tulimus, & soli.  
 Quid ego referam vacuatas municipibus  
 suis civitates, impletas fugitivis nobili-  
 bus solitudines? quid, perfunctorum ho-  
 noribus summis virorum bona publicata,  
 capita deminuta, vitam ære taxatam? Vi-  
 dimus redactas in numerum dignitates,  
 & exutos trabeis consulares, & senes for-  
 tunarum superstites, & infantium sub i-  
 pso sectore ludentium flendam securita-  
 tem: cùm interim miseri vetabamur agere  
 miseros, imò etiam omnes cogebamur  
 mentiri beatos, & cùm domi atq; secretò  
 solis conjugibus ac liberis credidissemus  
 furtivum dolorem, procedebamus in pu-  
 blicum non nostræ fortunæ vultu. Au-  
 dires

diſes enim dicere delatorem: quid ita ille triftis incedit? an quia pauper ex diuiteſt? non enim ſe vivere gratulatur? quid ita hic publicum atratus inceſtat? lugeſt, credo, fratrem, ſed habet filium. Ita fieri non licebat amiſſa, metu reliquorum. Serenos ergo nubilis mentibus vultus induebamus, & ad illorum vicem, qui deguſtato Sardorum graminum ſucco, feruntur in morte ridere, imitabamur læta mærentes. Eſt aliquod calamitatum delinimentum, dediſſe lacrymas malis, & pectus laxâſſe ſuſpirijs. Nulla major eſt pæna, quàm eſſe miſerum, nec videri. Spes inter hæc nulla prædonis explendi. Nec enim, ut natura fert, copiam ſatietas ſequēbatur. Creſcebat in dies habendi famēs, & parandi rabiem parta irritabant. Ut ægrorum ſitim potus accendit; ut ignis arentibus non obruitur, ſed augetur; ita coactæ publicæ egeſtate divitiæ aviditatem jejunæ mentis acuebant.

Stabat ipſe purpuratus ad lances & momenta ponderum, nutuſq; trutinæ pal lens atq; inhians exigebat. Comporta-

bantur interim spolia Provinciarum, exu-  
viæ exulum, bona peremptorum. Hic au-  
rum matronarum manibus extractum, il-  
lic raptæ pupillorum cervicibus bullæ,  
istic dominorum cruore perfusum appen-  
debatur argentum. Numerari ubiq; pe-  
cuniæ, fisci repleti, æra cumulari, vasa  
concidi, cuivis ut intuenti non illud Im-  
peratoris domicilium, sed latronis rece-  
ptaculum videretur. Sed tamen latro ra-  
ptis abutitur, & ablata alijs sibi reddit; nec  
ideo vias saltusq; obsidet, ut thesaurum  
struat atq; defodiat, & cum scelere miser  
sit; sed ut gulæ ventriq; suppeditet, nec  
desit sumptus impendijs. Nam & effundit  
& negligit, eadem perdendi & quærendi  
facilitate. Noster ille pirata, quidquid un-  
decunq; converrerat; id nobis sibiq; peri-  
turum, in illam specus sui charybdim con-  
gerebat. Charybdim loquor? quæ cum  
plena navigia sorbuerit, dicitur tamen re-  
iectare naufragia, & contortas fundo ra-  
tes Taurominitanis littoribus exponere.  
Bona nostra ad ærarium unâ & perpetuâ  
viâ ibant: nullas eorum reliquias, nulla  
fra-

fragmenta, vel serò victa fastidio, illa communis vorago revomebat.

Est improborum principum postrema defensio, auferre donandi gratiâ, & invidiam rapinarum, magnitudine munerum deprecari; quæ (malum) ratio est, abstulisse omnibus, quod nullus habiturus sit? Et privatorum quidem avaritiæ licet mala, tamen aliqua defensio est, timetur inopia, & reponitur senectuti, & prospicitur heredi, quam adfert causam concupiscendi, qui, quantum ubiq; est, habet? Quin ego, si fas piumq; mortalibus æstimare cælestia, nullam majorem crediderim esse Principum felicitatem, quàm fecisse felicem, & intercessisse inopiæ, & vicisse fortunam, & dedisse homini novum fatum. Ita q; Imperatori propriam majestatem bene æstimanti, non tam illud videri suum debet, quod abstulit, quàm quod dedit. Nam cum intra ipsum volvantur omnia, & ut ille, qui cuncta ambit Oceanus, quas suggerit aquas terris, recipit terris; ita quidquid in cives manat à Principe, redundat in Principem: & rei, & famæ be-

ne consulit munificus Imperator. Lucra-  
tur enim gloriam, cum det pecuniam re-  
versuram.

Sed illi quidem stulta omnis ratio ca-  
ptandæ laudis videbatur, qui, præter insi-  
tum pessimo cuiq; boni exempli odium,  
summam felicitatem habendi ac nocendi  
fine determinans, non solum ut quàm plu-  
rimùm quæreret, sed ut nihil cuiquam re-  
liqui faceret, laborabat. Nec enim, qui  
Regibus mos est, egerendis invigilabat  
metallis, ut latentia naturæ bona in usum  
arcesseret, & pararet innoxias, nullo pau-  
periore, divitias. Parùm ille pretiosum  
putabat aurum, quod de montium venis,  
aut fluminum glareis quæsitore Bessus, aut  
scrutatore Callaicus eruisset: illud purius  
splendidiusq; credebatur, quod dedissent  
dolentes, quod hominum lacrymæ, non  
annuum aquæ ablissent, nec è terrenis  
specubus egestum, sed è cervicibus jugu-  
lisq; cælorum esset effossum. Sic cum  
immitis tyranni & Hylus timeretur &  
gladius, transferat in vota paupertas, &  
ut possemus effugere carnificem, optaba-

mus



mus subire sectorem. Quod si cui ille pro cæteris sceleribus suis minùs crudelis fuisset videtur, vestrum is, vestrum, Balio triumphalis, & trabeate Merobaudes, recorderetur interitum: quorum alter post amplissimos magistratus, & purpuras consulares, & contractum intra unam domum quemdam honorum senatum, vitâ sese abdicare compulsus est; alteri manibus fatellitum Britannorum gula domi fracta, & iniusta fæmineæ mortis infamia, ut scilicet maluisse vir ferri amantissimus videretur laqueo perire, quàm gladio. Sed in illos fortasse speciales putaretur habuisse odiorum causas tyrannus, steterat enim uterq; in acie Gratiani, & Gratianus utrumq; dilexerat: quid de his dicimus, qui honorum ac Principum nescij, & tantùm inter suos clari, nobiles animas sub carnifice fuderunt?

De virorum mortibus loquor, cum descensum recorder ad sanguinem fæminarum, & in sexum, cui bella parcent, in pace fævitum? Sed nimirum graves suberant invidiosæq; causæ, ut unco ad pæ-

nam clari vatis matrona raperetur. Obij-  
ciebatur enim atq; etiam exprobrabatur  
mulieri viduæ nimia religio, & diligentius  
cultâ Divinitas. Quid hoc maius po-  
terat intendere accusator Sacerdos? fuit  
enim, fuit & hoc delatorum genus, qui  
nominibus Antistites, reverà autem satel-  
lites, atq; adeò carnifices, non contenti  
miseros avitis evolvisse patrimonijs, ca-  
lumniabantur in sangvinem, & vitas pre-  
mebant reorum jam pauperum, quin eti-  
am, cùm judicijs capitalibus adstitissent,  
cùm gemitus & tormenta miserorum au-  
ribus ac luminibus hausissent, cùm lieto-  
rum arma, cùm damnatorum frena tractas-  
sent, pollutas pœnali manus contactu ad  
sacra referebant, & cœrimonias, quas ince-  
staverant mentibus, etiam corporibus im-  
piabant. Hos ille Phalaris in amicis habe-  
bat, hi in oculis ejus, atq; etiam in osculis  
erant: nec injuria, à quibus tot simul vo-  
tiva veniebant; avaro divitum bona; cru-  
ento innocentium pœna; impio religio-  
nis injuria.

Tandem in nos oculos DEUS retulit,  
& bo-

&  
re  
fur  
vio  
ego  
ut,  
scel  
set,  
cini  
bus  
tibi  
adh  
Ag  
can  
exti  
nas  
fide  
nec  
bell  
pot  
cepi  
obv  
men  
erit  
quid

& bonis orientis intentus, ad mala nostra respexit, & hunc facerrimo capiti obiecit furorem, ut fœdus abrumpere, jus feciale violare, bellum edicere non timeret. An ego sine divino numine factum putem, ut, qui sub nomine pacis ludere, & primi sceleris pœnas lucrari quiescendo potuisset, secundum tertiumq; vexillum latrocinij civilis attolleret, & superatis Alpibus Cottijs, Iulia quoq; claustra laxaret, tibi que, Imperator, imponeret servatæ adhuc veniæ fidem, vincendi necessitatem? Agebat eum, credo, præcipitem vindicanda jam proximo ultore Respublica, & extinctus aperto dominus parricidio pœnas ab eo debitas expetebat. Non id confidentia, sed amentia; non temeritas, sed necessitas erat: nec ultro lacessebat ille te bello; sed ulterius se negare supplicio non poterat. Alioquin quomodo tantam concepisset audaciam, ut ruere in ferrum, & obviam morti venire tam ignavus & timens mortis auderet, ut qui se non potuerit postea vel victus occidere? Et te quidem, Imperator Auguste, ad adserendam

dam Rempublicam, usurpandamq; victoriam, suffecisset in bella vel solum venire, nam si olim domini, adversum rebelles servos dimicaturi, flagra in aciem detulerunt, tantaq; vis conscientiae fuit, ut ab inermibus verterentur armati, & qui obtulerant mortibus pectora, darent terga verberibus: nonne tu quoq; legionibus otiosis rem totam visus egisses?

An sustinere te coram, & solum oculorum tuorum ferre coniectum ille quondam domus tuae negligentissimus vernacula, mensularumq; servilium statarius lixa potuisset? non statim totum subisset hominem praeterita sui tuiq; reputatio? non ipse sibi obiecisset te esse triumphalis viri filium; se patris incertum? te heredem nobilissimae familiae; se clientem? te omni retro tempore Romani exercitus Ducem, libertatis patronum; se orbis extorrem, patriaeq; fugitivum? Jam verò te Principem in medio Reipublicae sinu, omnium suffragio militum, consensu Provincia- rum, ipsius deniq; ambitu Imperatoris optatum; se in ultimo terrarum recessu, legionibus

gionibus nescijs, adversis Provinciarum studijs, nullis deniq; auspicijs, in illud tyrannici nominis adspirasse furtum? postremò tecum fidem, secum perfidiam: tecum fas, secum nefas: tecum jus, secum injuriam; tecum clementiam, pudicitiam, religionem; secum impietatem, libidinem, crudelitatem, & omnium scelerum, postremorumq; vitiorum stare collegium? Res ipsas interrogemus, & quæ certissima coniectatio est, colligamus gerenda gestis. Num tandem dubitari potest, quid fuerit eo præsentē facturū, quem non vidit, & fugit?

Quamvis igitur, Imperator, hoste tali abutereris, nec tam ad prælium conferendum, quàm ad supplicium de nefario capite sumendum, venires; consilijs tamen tantis, tantisq; rationibus bellum administrabas, ut cum Perse aliquo decertaturus, aut Pyrrho, aut cum illo ipso Hannibale videreris. Nam primùm fidem Regum, quibus limes orientis ambitur, datâ atq; acceptâ dexterâ firmas, quo foris securus agitares, si nihil sollicitum & suspectandum



dum domi reliquisses. Tunc copias tuas trifariam dividis, ut & hostis audaciam multiplicato terrore percelleres, & fugam circumfusus ambires. Postremò populis barbarorum, ultroneam tibi operam ferre voventibus, commilitonum munus indulges, ut & limiti manus suspecta decederet, & militi auxiliator accederet. Quà tuà benignitate pellectæ omnes Scythicæ nationes tantis examinibus confluebant, ut, quem remiseras tuis, barbaris videre- ris imperâsse dilectum. O res digna memoratu! Ibat sub ducibus vexillisq; Romanis hostis aliquando Romanus, & signa contra quæ steterat, sequebatur, urbesq; Pannoniæ, quas inimica dudum populatione vacuaverat, miles impleverat. Gothus ille, & Hunnus, & Alanus respondebat ad nomen, & alternabat excubias, & notari infrequens verebatur. Nullus tumultus, nulla confusio, nulla direptio, ut à barbaro erat, quin, si quando difficilior frumentaria res fuisset, inopiam patienter ferebat, & quam numero arctârat annonam, comparcendo laxabat, pro omni

mni præmio omniq; mercede id unum re-  
poscens, ut tuus diceretur. Quanta est  
virtutis ambitio! accipiebas beneficium  
quod imputares.

Memorable putavit antiquitas, quòd  
Actiaco aliquando bello Ducibus moribus-  
que Romanis peregrina Ægyptus arma  
permiscuit, tantumq; res credita est habe-  
re novitatis, ut, nisi frequenter isset in li-  
teras, apud posteros videretur facti fides  
laboratura. Nam quis annalium scriptor,  
aut carminum, tuas illas, Cleopatra, clas-  
ses, & eborata navigia, & purpurea cum  
auratis funibus vela tacuit? quin ita crebrò  
historia recantata est, magis ut ab eisdem  
sæpe dicta, quàm ut ab aliquo intermis-  
sa videatur. Non contendam Duces; nec  
enim Principem nostrum non dicam vi-  
ctus Antonius, sed victor Augustus æ-  
quaverit; quid in cæteris saltem simile de-  
prehendimus? maximè si rerum tempo-  
rumq; facies altrinsecus conferamus, &  
hos illosq; populos animorum subijcia-  
mus oculis. Illos vela facientes, data ven-  
tis classis attulerat; hi longum iter sub  
armo-

armorum fasce carpebant. Illos peregrino  
 igne suspirans Regina pellexerat; hos a-  
 mor laudis, & participandæ gloriæ cura  
 rapiebat. Illos tepens Pharus & mollis  
 Canopus, leviumq; populorum altor Ni-  
 lus emiserat; hos minax Caucasus, & ri-  
 gens Taurus, & ingentium corporum  
 durator Ister effuderat. Illos tenero per-  
 lucentes amictu, & vix leve carbasum vi-  
 tando sole tolerantes, alterno concussa  
 tinnitu filtra ducebant; hos loricis onuttos,  
 inclulosq; ferro, fractæ voces tubarum,  
 ingentiumq; lituorum clangor acuebat:  
 quæ tandem, ut collatio posset esse popu-  
 lorum, etiam si tanta non esset dissimili-  
 tudo causarum, ut ab illis fuerit Romani  
 imperij appetita captivitas, ab his repeti-  
 ta libertas. Quò tibi, Imperator, indi-  
 gniùs videbatur ejus piaculi quemquam  
 inveniri potuisse consortem, cujus se bar-  
 barus agebat ultorem.

Sed illi quidem nefario sanguine belli  
 primitias imbuentes, par pænæ culpæq;  
 documentum fuerunt. Testis est Siscia,  
 testis pulcherrimus amne conflictus, si  
 confli-

conflictus ille dicendus est, quo ita in publicos proditores animi plenus miles invaluit, ut eum nec numerus resistentium, nec maximi fluminis altitudo remorata sit, quin, ut erat ex longissimo itinere anhelus atq; pulvereus, equos calcaribus incitaret, amnem nando conjungeret, ripam insiliret, paratos deniq; exspectantesq; deprehenderet. Sermo ille prolixior est, quam illa res fuerit. Vix fluvium manus invicta transierat; jam Locum belli tenebat. Vix hostem invenerat; jam urgebat, vix pectora viderat; jam terga cædebat. Datur debito rebelle agmen exitio; volvuntur impiæ in sanguine suo turbæ; tegit totos strages una campos, continuisq; funeribus cuncta latè operiuntur. Jam qui ad muros differendâ morte properaverant, aut fossas cadaveribus æquabant, aut obvijs sudibus induebantur, aut portas, quas eruptione patefecerant, morte claudebant. At quorum se fugæ imperius ripis amnis obiecit, trepidando collecti, & alterum quisq; complexi, per abrupta glomerantur. Spumat decolor cru-

D

ore

orè fluviùs, & cunctantes meatus vix elu-  
ctatis cadaveribus evolvit: utq; se tibi  
posset speciali imputare militiâ, ipsum il-  
lum vexillarium sacrilegæ factionis avidis  
gurgitibus absorbuit; & ne morti sepul-  
tura contingeret, cadaver abscondit.  
Nonne utroq; credendus tuæ studuisse  
vindictæ, & adjuvando victoriam, &  
occupando clementiam?

En tibi alteram pugnam, alteramq; vi-  
ctoriam, dilectas in prælium Marcellinus  
cohortes, & ipsum factionis nefariæ ro-  
bur, illa belli civilis Megæra rapiebat, tan-  
tò cæteris satellitibus audentior, quantò  
exfertiore operam navabat tyranno fra-  
ter tyranni. Quò quidem maximè tuus  
gaudebat exercitus, quum se ultro videret  
laceffi, qui nihil magis timuerat, quàm ti-  
meri; adeò quidem, ut castris ad castra col-  
latis, quod præcipiti die manum confere-  
re non poterat, spe victoriæ cum luce  
venturæ pervigil ageret, tardum solem,  
desertorem diem, annum noctis æstivæ  
tempus criminaretur. Ecce lux tandem,  
& jam omnis campus horrebat exercitu:  
divisi



divisi in cornua equites, leves ante signa velites, dispositæ manipulatim cohortes, & gradu pleno ferentes agmina quadratæ legiones, universa latè, quâ visus agi poterat, occupârant. Nondum se virtus experiebatur; jam disciplina vincebat. At postquam intra coniectum teli acies utraq; promovit, & effusis hinc inde iaculorum sagittarumq; nimbis res venit ad capulos; milites pristinae virtutis, Romani nominis, Imperatorum deniq; memores, causam publicam manu agere. Hostes venditam operam, laceratam Italiam, spem in ferro reliquam cogitantes, gladiatoria desperatione pugnare, nec gradu cedere, sed in vestigio stare, vel cadere.

At ubi impulsæ acies, fronsq; laxata, & fiducia in pedes versa est, ire præcípites, aut globo fugere, & se invicem festinando tardare. Armati, inermes, integri, faucij, primi, postremiq; misceri. Miles urgere eminus, cominus gladijs, hastis, punctum, cæsum ferire. Alij poplitibus imminere, alij terga configere, aut quos cursu non poterant continere, iaculis occupare.

Arma, tela, equi, homines, viva, perempta, prona, supinaq; corpora passim vel in acervo iacere. Illi mutilis excisisque membris, reliqua sui parte fugiebant: hi dolorem vulneryum sequebantur: isti mortes receptas in sylvas & flumina deferabant; illi postremum spiritum in admiratione nominis tui, & sui Ducis detestatione fundebant. Nullus finis cædendi insequendique, nisi subtraxisset aliquando victoribus mors hostem, & nox diem. At quantò melius manus illa consuluit, quæ submissis precabunda vexillis petijt veniam necessitatis, & terram in osculis premens, calcanda vestigijs tuis corpora & arma proiecit? quam tu non superbe, ut victam, non iratè, ut ream; non neglenter, ut parùm necessariam, præteristi, sed blandè liberaliterq; tractatam iussisti esse Romanam. Iunguntur socia agmina, & sub uno capite diversa Reipublicæ membra coalescunt. Ambo pari gaudio feruntur exercitus, hic operâ suâ gaudet, hic veniâ; uterq; victoriâ.

Nec pia Hæmona cunctantius, ubi te

ad

adfore nuntiatum, impulsis effusa portis  
obviam provolavit, & ut est omne desi-  
derium post spem impatientius, parùm  
credens patere venienti, festinavit occur-  
sare venturo. Fingit quidem, ut scimus,  
timor gaudium; sed ita intimos mentis af-  
fectus proditor vultus enuntiat, ut in spe-  
culo frontium imago exstat animorum.  
Velut illa civitas à longa obsidione respi-  
rans, quòd eam tyrannus Alpibus obia-  
centem tanquam belli limen attriverat,  
tanta se & tam simplici exultatione iacta-  
bat, ut ni esset vera lætitia, nimia videre-  
tur. Ferebant se obvix tripudiantium ca-  
tervæ, cuncta cantu & crotalis persona-  
bant, hic tibi triumphum chorus, ille con-  
trà tyranno funebres nœnias & carmen e-  
xequiale dicebat. Hic perpetuum victis  
abitum; ille victoribus crebrum optabat  
adventum. Iam quocunq; tulisses gra-  
dum, sequi, circumcursare, præcedere; vi-  
as denique, quibus ferebaris, obstruere.  
Nullus cuiquam sui tuive respectus blan-  
dam tibi faciebat iniuriam contumaciâ  
gaudiorum. Quid ego referam pro mœ-

nibus suis festum liberæ nobilitatis occursum, conspicuos veste niveâ Senatores, reverendos municipali purpurâ flamines, insignes apicibus Sacerdotes? quid portas virentibus fertis coronatas? quid aulæis undantes plateas, accensisq; funalibus auctum diem? quid effusam in publicum turbam domorum? gratulantes annis senes, pueros tibi longam servitutem voventes, matres lætas, virginesq; securas? nondum omne confeceris bellum, iam agebas triumphum.

Ibat interim Maximus, ac te post terga respectans, in modum amentis attonitus avolabat. Nec ullum ille consilium, ullamve rationem, aut deniq; spem, quæ postrema homines deserit, sequebatur: quin ipsos viæ implicabat errores, & nunc dexter, aut lævus, nunc vestigijs suis obviis, incertum iter ancipiti ambage texebat. Quoties sibi ipsum putamus dixisse, quò fugio? bellumne tentabo? ut, quem viribus totis ferre non potui, parte sustineam! Alpes Cottias obserabo, quia Iulix profuerunt? peto African? quam exhausti,

repe-

repeto Britanniam? quam reliqui, credo me Galliae? sed invisus sum. Hispaniae committo? sed notus sum. Quid ergo faciam, inter arma & odia medius? à tergo premor hostibus, à fronte criminibus, si morerer, evaseram? sed ecce, nec animum sequitur manus, nec manum gladius: labitur ferrum, tremit dextera, mens fatiscit. O quam difficile est miseris etiam perire! Ergo ut clausae cassibus feræ quæsito diu exitu desperatoq; consistunt, & præ timore non fugiunt: ita ille ipso, quo agitabatur, metu alligatus, in oppidum semet Aquileiense præcipitat; non ut vitam defenderet resistendo, sed ne pœnam frustrando differret. Quanquam quæ poterat ulterior esse dilatio? cum ita vestigijs ejus ac tergo ardens miles insisteret, ut pæne omnem, quæ est secuta, pompam ultio festinata præceperit.

Rectè profectò germana illa pictorum Poëtarumq; commenta victoriam sinxere pennatam, quòd hominum cum fortuna euntium non cursus est, sed volatus. Ille ab ultimo orientis sinu festinatis itineribus



raptus exercitus, tot nationibus relin-  
quendis, tot fluminibus enatandis, tot  
scandendis montibus fatigatus, in alio or-  
be, & sub alio pæne dixerim Sole positus,  
spatio lucis unius Illyrico continuavit A-  
quileiam. Nihil tamen sibi met hoc nomi-  
ne vindicant; & si quando mirantium cir-  
culos contrahunt, aut convivia nostra ser-  
mone producunt, operam omnem suam  
fine Alpium terminantes, deberi sibi ab-  
nuunt illam celeritatem, quòd expertes la-  
borum pervenisse se viderint, quò ire non  
senferant. Negant imò se suis vectos es-  
se corporibus, sed tanquam per aliquas i-  
magines somniorum ferrentur absentes,  
præbuisse gestantibus ventis otiosorum  
ministeria membrorum. Nec fides anceps,  
nam si olim severi credidère maiores, Ca-  
storas geminos, albentibus equis & stella-  
tis apicibus insignes, pulverem cruoremq;  
Thessalicum aquis Tiberis abluentes, &  
nuntiâsse victoriam, & imputâsse militi-  
am; cur non tuæ publicæq; vindictæ  
confessam aliquam immortalis DEI cu-  
ram putemus adnixam? nisi fortè maiorem  
Divi-

Divini favoris operam res Romana poscebat, Macedonico augenda regno, quàm tyrannico eximenda servitio. Ego verò, si cœleste studium pro dignitate causarum æstimandum sit, iure contenderim, equites tuos Pegasis, talaribus pedites vectos ac suspensos fuisse, neq; enim quia se Divina mortalibus dedignantur fateri, idcirco, quæ visa non fuerint, dubitavimus facta, cùm facta videamus, quæ dubitaverimus esse facienda.

Angustè fortunam tuam, Imperator, expendit, quisquis id de te tantum, quod fieri potest, credit. An ego, cùm ab Alpibus Iulij otioso feriatoq; ferro non prælum fuisse videam, sed triumphum, dubitaverim illam specialem quandam felicitatis tuæ dixisse militiam? Scimus quidem, Imperator, ita te cuncta administrasse, ut non possint se tibi imputare successus; sed fatearis necesse est, quantum te in bello, tantum fortunam tuam egisse post bellum, cui si vocem demus, & iudicem, nonne prolixè suam enumerabit operam, & ut virtutibus tuis multa conce-

dat, sibi aliquam vindicabit? & cur, quæ so-  
 non demus, ut accipiamus utriusq; partis  
 adserta, cum sit, quæ vicerit tua? Audio  
 Constantiam dicere, *bellum atrox periculo-*  
*sumq; suscepi, memorare patientiam, im-*  
*mensum iter, tempus anni grave semper ar-*  
*mata, sæpe leiuna toleravi; tenere pruden-*  
*tiam, partita sum militem, & multiplicavi*  
*arte terrorem; adserere fortitudinem, his*  
*confluxi cum hoste, his vici; omnes postremo*  
*clamare; quid tibi debemus fortuna, quam fe-*  
*cimus? Sed si illa dicat pro perationem mi-*  
*litum ego iuvi, ego fugam hostium prædixi,*  
*ego maximum in muros cõegi, & quem vos co-*  
*gebatis mori, vitum domino reservavi: non*  
 video, quod possit esse iudicium, quin  
 cum ista pars imputet tyranni fugam, illa  
 custodiam; Respublica quæ utriq; pariter  
 obnoxia est, ita utramq; coniungat, ut fa-  
 teatur, uni semet victoriam, alteri debe-  
 re vindictam.

Sed nec tu debitam gratiam beneficii  
 inficiator abiuras, nam et si per te confce-  
 ris quæ volebas, per fortunam tamen plùs  
 adeptus es, quam volebas. Agedum, si  
 vide-

videtur, præteritas cogitationes tuas consule, & vota conveni. Num amplius speravisti, quàm ut Maximus tibi nuntiaretur occisus, quàm ut semivivum ejus caput nondum clausis totâ morte oculis, ex ænie referretur, quàm ad summum; ut fugiens, resistensve caperetur? Cæterùm quando, quòd factum est, vel optâsti, ut se tibi ipse servaret, ut consciscere sibi interitum nollet, & posset? Magno quidem, fateor, pectoribus humanis, atq; adeò maximo lux amoris, interitus horrore est, sed quatenus aut ista optari potest, aut ille vitari. At si ultima supra caput steterit hora, & venerit dies nunquam reversurus, ac se confessa mors fuerit, non timentur extrema, cùm certa sunt. Hinc reorum usq; ad damnationem metus, postea attonitus stupor, & ex desperatione securitas, & ad locum supplicij voluntaria, carnifice non trahente, properatio, ut de his taceam, qui, cum fatis fortius paciscentes, incertum exitum certo occupaverunt: ut nihil de servis loquar, qui verbera vitavere suspendio, & motus heriles usque

usque ad præcipitia fugerunt; quis unquam ultra spem timuit? quis idcirco semet occidere noluit, ut occideretur? nisi verò vel levior manus aliena quàm propria, vel foedior mors privata quàm publica, vel longior pæna ferro incumbere, & corpore vulnus onerare, & recipere interitum statim totum, quàm supplicium dividere, poplitem flectere, cervicem extendere ad plagam, fortasse non unam.

Et tamen quando secum ille ferro transigendum putabat, non potius ignem, lamas, crucem, culleum, & quidquid merebatur, timebat? nunquam profectò tam bene de sceleribus suis sensit, ut mortem potuerit sperare, quàm perijt. Si igitur nec præsumere veniam reus, nec sperare fugam clausus, nec mortem potuit timere moriturus, & certò extremorum levior videri debuit voluntarius, quàm coactus; honestior privatus, quàm publicus, postremò brevior occupatus quàm expectatus interitus; num cui dubium est in eo, quod non habuit rationem, fuisse fortunam? Illa, illa tyranni consilia cæcavit;  
illa



illa & animum ejus obtudit & gladium,  
 illa expeditam in vulnus manum percussit  
 & tenuit. Nisi verò tu tuum, venerabi-  
 lis Gratianè, càrnificem diris comitatus  
 ultricibus obsidebas, & iratà minax umbra  
 ob os ejus oculosq; fumantes infernis i-  
 gnibus tædas, & crepitantia torto angve  
 flagra quatiebas, ne morti honestæ vaca-  
 ret, ne regalem illum sacrosanctumq; ve-  
 stitum impio cruore pollueret, ne cultus  
 olim tuus, ac deinceps fratrum futurus,  
 funestum sangvinem, vel dum vindicatur,  
 acciperet: ne postremò te manus ulcisce-  
 retur tyranni, & deberes Maximo vel su-  
 am mortem.

Et planè ita cuncta ceciderunt, ut non  
 servata modò ultio, sed ordinata videat-  
 ur. Nam unde, quæso, tam repentina  
 conversio, ut, qui oppetere timuerat inte-  
 ritum, non timeret expetere, & quem in-  
 cluserat metus, proferret audacia? Hic  
 nulla iam reliqua festinandis rebus mora.  
 Actutum fortissimi Duces instruendo ac-  
 cinguntur triumpho, capiti diadema de-  
 cutitur, humeris vestis aufertur, pedibus  
 orna-

ornatus evellitur, totus deniq; homo aptatur ad interitum. Publicè publicus spoliator exuitur, neſtuntur manus rapaces, nudantur crura fugitivo: talis denique tuis offertur oculis, qualem offerri decebat victori captum, domino ſervum, Imperatori tyrannum. Nec tu illum, quâ es clementiâ, in conſpectum tuum venire voluiſſes, ne oculos iſtos, omnibus ſalutares, homo funebris impiaret, niſi famam confutare mendacij, teq; purgare eodem teſte, quo inſimulatore voluiſſes. Habet vires, habet neſcio quos internos mens ſclerata carniſces, aut ipſa ſibi carniſex conſcientia eſt; aut, quod magis credo, omni ſeverius quæſtione eſt, à te interrogari. Ad primam tuam vocem neſario pectori excuſſa conſeſſio eſt, nec cunctari ſaltem aut muſſitare potuit, quin conſilium omne nudaret, ſe videlicet favoris tui obtendiſſe prætextum, quod aliter non potuiſſet allicere militum ſocietatem, niſi ſe auctoramenti tui ſinxisset auctorem.

Et poſt hanc tu vocem non illum in  
cru-

crucem tolli, non culleo insui, non discerpi in frusta iussisti? non postremo illam tanti ream mendacij linguam radicitus erui præcepisti, cum eorum parte vitalium, quorum fuerat locuta commentum? Quin iam coeperas de ejus morte dubitare, & deieceras oculos, & vultum rubore suffuderas, & cum misericordia loquebaris. Sed bene est, quod non omnia potes, tui te vindicant & invitum. Rapitur ergo ex oculis, & ne quid licere posset clementiæ, inter innumeras manus fertur ad mortem. Ecce iterum, Imperator, averteris, & illam tyrannici exitus relationem gravaris. Iam, iam esto securus, geram clementiæ tuæ morem; quod noluisti videre, non audies. Huc, huc totas pij vates doctarum noctium confer te curas, hoc omnibus lingvis literisq; celebrate, nec sitis de operum vestrorum perennitate solliciti, illa, quam præstare historijs solebatis, ab historia veniet æternitas. Vos quoque, quibus secunda fors cessit dare famam rebus, artifices, vulgata illa veterum fabularum argumenta despicite

spicite, Herculeos labores, & Indicos Liberi triumphos, & angvipedum bella monstrorum. Hæc potius, hæc gesta solertes manus ducant; his fora, his templa decorentur; hæc ebore reddantur, hæc marmore; hæc in coloribus vivant, hæc in æra moveantur, hæc gemmis augeant pretium.

Pertinet ad securitatem omnium sæculorum, quod est factum, videri, ut si quis unquam nefaria vota conceperit, monumentis nostrorum temporum recensitis per oculos hauriat innocentiam. Quisquis purpurâ quandoq; regali vestire humeros cogitabit; Maximus ei exutus occurrat. Quisquis aurum gemmasq; privatis pedibus optabit; Maximus ei plantis nudus appareat. Quisquis imponere capiti diadema meditabitur; avulsam humeris Maximi caput, & sine nomine corpus aspiciat. Scimus quidem nihil unquam novandum, cùm Romanum semper imperium aut tuum futuram sit, aut tuorum: pertinet tamen ad geminam Reipublicæ securitatem, quod fieri non potest

potest, etiam non timeri. Sed utcūq;  
 virtutis tuæ opera curiosæ posteritatis o-  
 culis artificum manus reddet, cū te vel  
 Alpium dorsa superantem, vel flumina  
 objecta tranantem, vel agmen hostile tri-  
 umphalibus vestigijs atterentem, picto-  
 rum atq; fictorum adsequetur imitatio:  
 clementia, Imperator, tua, quo cælo, quo  
 pigmento, quo ære aurove ducetur? quā  
 tu ipsius victoriæ victor ita omnem cum  
 armis iram deposuisti, ut ceciderit nemo  
 post bellum, certē nemo post Maximum?  
 Paucis Maurorum hostium, quos secum  
 velut agmen infernum moriturus inclu-  
 serat, & dubbus aut tribus furiosi gladi-  
 atoris lanistis in belli piaculum cæsis, reli-  
 quos omnes, venia complexa, velut quo-  
 dam materno sinu clausit. Nullius bona  
 publicata, nullius multata libertas, nulli-  
 us præterita dignitas imminuta. Nemo  
 affectus notā, nemo convicio, aut deniq;  
 castigatione perstrictus, culpam capitis,  
 aurum saltem molestia luit. Cuncti do-  
 mibus suis, cuncti conjugibus ac liberis,  
 cuncti denique, quod est dulcius, inno-

E

centiæ



centiæ restituti sunt. Vide, Imperator, quid hâc clementiâ consecutus sis. Fecisti, ut nemo sibi victus, te victore videatur. Spectabas hæc à tuis collibus Roma, & septenâ arce sublimis, celsior gaudio ferebaris.

Tu, quæ experta Cinnanos furores, & Marium post exilia crudelem, & Sullam tuâ clade felicem, & Cæsarem in mortuos misericordem, ad omne civilis motûs clavicum tremiscebas; quæ præter stragem militum, utrâq; tibi parte perentium, extincta domi senatûs tui lumina, suffixa pilo consulum capita, Cato-nes in mortem coactos, truncosq; Cicerones, & Pompejos fleveras insepultos; cui damna graviora scissus in partes civium furor, quam portis imminens Pænus, aut receptus muris Gallus intulerat; cui Allienû die Emathia funestior, Cannis Collina feralior, tam altas olim reliquerunt cicatrices, ut gravius semper tuam, quàm alienam, experta virtutem, nihil tibi magis, quàm te, timeres; vidisti civile bellum, hostium cæde, militum pace, Ita-

liæ recuperatione, tuâ libertate finitum: vidisti, inquam, finitum civile bellum, cui decernere posses triumphum.

Haftenus memet, Imperator Auguste, præteritas res tuas attrectasse fas fuerit. At cùm tempus admoneat meminisse præsentium, finem sermoni facere maluerim, quàm amplissimi ordinis munus invadere. Dabitur utcunq; venia piæ temeritati, si usurpasse communia, non occupasse videamur aliena. Licuerit mihi, quæ in barbaris gentibus, longinquisq; Provincijs pro summa re fortiter feliciterq; fecisti, & adnuente numine tuo, & senatu favente, dixisse. Ea verò, quæ Romæ gesta sunt, & geruntur, ingenijs permitenda Romanis sunt, qualem te urbi dies primus invexerit; quis in curia fueris, quis in rostris; ut pompam præeuntium ferulorum curru modò, modò pedibus sublecutus, alterno clarus incessu, nunc de bellis, nunc de superbia triumphâris; ut te omnibus Principem, singulis exhibueris senatorem; ut crebro, civiliq; progressu non publica tantùm opera lustraveris, sed

F2


priva-

## PANEGYRICUS

privatas quoq; ædes Divinis vestigijs  
 consecrâris, remotâ custodiâ militari, tu-  
 tior publici amoris excubijs. Horum hæc  
 lingvis, horum, inquam, voce laudentur,  
 qui de communibus gaudijs & digniis  
 utiq; quæ maxima, & iustius poterunt  
 prædicare, quæ propria sunt. O mea felix  
 peregrinatio! ô bene suscepti, & exhausti  
 labores! quibus ego intersum bonis? qui-  
 bus paror gaudijs? quæ, reversus, urbibus  
 Galliarum dispensabo miracula? quantis  
 stupentium populis, quam multo circum-  
 dabor auditores, cum dixerò, Romam vi-  
 di, Theodosium vidi, & utrumq; simul  
 vidi; vidi illum Principis Patrem; vidi il-  
 lum Principis restitutorem? Ad me lon-  
 ginquæ convenient civitates; à me gesta-  
 rum ordinem rerum stylus omnis accipiet;  
 à me argumentum Pœtica; à me fidem  
 sumet historia. Compensabo tibi istam;  
 Imperator, iniuriam: si, quando  
 de te ipse nihil dixerim, quod  
 legendum sit; instruam  
 qui legantur:

is  
i-  
co  
r,  
ha  
nt  
ix  
ti  
ri-  
us  
tis  
m-  
vi-  
ul  
il-  
n-  
ta-  
et;  
em  
m)









705088 **Bibliotheca** 30026  
**P.P. Camaldulensium in Bielany**

Depozyt w Bibliotece Jagiellońskiej



07795

A. 11. 18

